



AWEMainta

E DIFERENCIA DEN NOTICIA

DESPUES DI 6 AÑA

HOF LO TRATA CASO DI BARA DI ORO DIA 10 DI JUNI PROXIMO



A CERA LUNA DI MAART 2024 CU RESULTADONAN POSITIVO DI BISHITANTE

**CASO BARANAN DI ORO
KENDE LO BAY PAGA MEY MIYON DOLLAR PA DAÑO Y PERHUICIO**

**ARUBA CU CASO DI DENGUE INTERNA NA HOSPITAL
DVG TA ALERTA COMUNIDAD PA YUDA STOP E TRANSMISION DI DENGUE**



Tired of **Manually** Processing Forms?

- 


vision on imaging
- Digital Processing of Purchase Invoices and more
 - Seamless Integration with most Financial Software
 - Complete Control of Authorizations via Workflows



This **OCR software** scans any kind of document and automatically fills the data in your preferred financial/ERP software!

TEL. 583-7072 | info@vcc-int.com | www.vcc-int.com

A cera luna di maart 2024 cu resultadonan positivo di bishitante



MINISTER di Turismo y Salud Publico sr. Dangui Oduber ta informa comunidad cu e resultadonan di turismo pa luna di maart 2024 a dreña. A ser demostra cu analisis den luna di maart 2024 cu un biaha mas cifranan ta positivo pa nos economia.

Minister di Turismo y Salud Publico sr. Dangui Oduber ta satisfecho cu luna di maart a cera cu resultadonan positivo. Maart 2024 a ricibi 141,380 bishitante cu a dreña Aruba cu un 25.8% den crecimiento compara cu e mesun luna di 2023.

Aruba ta keda un destinacion precioso pa hopi bishitante den Caribe. Turistanan ta keda satisfecho cu Aruba y ta clasifica e "Guest experience" cu un 9.0. E tres categorianan cu ta wordo mas miho clasifica ta: ambiente cu 9.6, localidad cu 9.5 y food & beverage cu 9.4.

Den 2023 Aruba Tourism Authority (ATA) a cuminsa midi e impacto economico di "short term rentals". Ta



midi e impacto aki cu Average Daily Rate (ADR) cu ta na \$296 y Occupancy Rate cu ta na 70.1% cu un entrada di \$22,856.992 pa e luna di maart 2024.

Minister Oduber ta remarca cu e top 3 plataforma di Vacation Rentals na Aruba ta Airbnb, Booking.com y VRBO. Ta pa menciona cu Airbnb tin e mercado mas grandi di "listings" y "occupancy" di vacation rentals creciendo den ful Caribe.

Pa conclui, Minister Dangui Oduber ta satisfecho cu Aruba keto bay tin cifranan halto cu ta demostra e bon maneho. Considerando e performance den luna di maart 2024 nos por conclui cu tin un crecimiento positivo y stabiel di turistanan cu ta biniendo Aruba. Minister Oduber kier a gradici tur partnernan, ATA, AAA, APA, AHATA, ATSA y Aruba vacation rentals pa e resultadonan positivo aki. Sin lubida nos hendenan y e seguridad cu nos ta brinda na nos bishitantenan.

Despues di 6 aña

HOF lo trata caso di bara di oro dia 10 di juni proximo



DIA 9 di februari di 2018, autoridadnan hudicial a detene algun persona y a confisca un cargamento di 50 kilo di oro, cu a pasa den henter e proceso di control na aeropuerto, manera su semper e sa pasa caba.

Sinembargo e persona encarga cu transporte di e oro aki, tabata sinta den avion di KLM rumbo pa Hulanda, caminda tambe autoridadnan Hulandes lo a controla e cargamento aki prome cu el a sigui su destino original.

Sinembargo algun oficial di RST a subi avion, a forsa e persona encarga pa baha di e avion, a confisca e cargamento di oro y asina a inicia un caso cu ainda despues di 6 aña, ya cu dia 9 di februari di e aña aki, a cumpli 6 aña cu e proceso aki a inicia pero cu aparentemente e sistema hudicial no tin fin di caba cu su tratamiento.

Aki tin cu muestra cu despues di cuater aña, Corte den Prome Instancia a bari tur acusacion contra di esunnan encarga cu transporte di e cargamento aki, for di mesa ya cu segun hues, e sospechosonan a cumpli cu tur regla insistente di control di principalmente duana caminda tur hende envolvi a haya e sentimento di alivio, cu porfin e asunto aki ta tras di lomba y tur hende por sigui cu nan bida normal.

Sinembargo y Fiscal mayor den e caso aki, a dicidi practicamente de inmediatamente cu e decision aki a ser tuma pa Corte den Prome Instancia, cu e no ta di acuerdo cu e decision aki y a apela e decision riba mesun dia.

Esaki a nifica cu Ministerio Publico lo no laga e cargamento di oro aki bay sin mas y tur persona envolvi a ser obliga na sinta warda te ora cu HOF crea espacio pa trata e asunto aki, cu simplemente no tin hustificacion p'e apelacion haci pa Ministerio Publico.

Di un serie di acusacion contra di e sospechosonan inicial, ningun di e acusacionnan tabatin sosten legal pa sigui procesa esunnan envolvi.

Corte den Prome Instancia a muestra bon cla cu henter e proceso cu esunnan envolvi a sigui pa sigura cu tur cos ta cana legal den transportacion di e baranan di oro aki, a ser haci y duana di Aruba, a muestra cu tur cos ta na ordo y a confirma cu no ta prome bes cu transportacion di baranan di oro, ta pasa via di Aruba pa otro destino.

Ta un berguensa total cu Ministerio Publico tabatin e pudor, ya cu no tin hustificacion legal, pa confisca e cargamento di oro aki, strobando esunnan envolvi den e negoshi aki, di cumpli cu nan deber di percura cu e oro lo yega su destino sin problema algun.


Ta inprecindibel den un sistema democratico, c'un sistema hudicial intachabel pa hopi aña, diripiente ultimo añanan e sistema aki a haya un otro cara, creando hopi confusion den comunidad, riba sinceridad y integridad di e institucion hudicial aki.

Pa colmo e fecha di 10 di juni venidero, ta un fecha ainda extra oficial ya cu ta 'intencion' pa HOF bay over na trata e caso aki cu ta dunando henter e sistema un mal nomber.

laguna

Indulge in a diverse selection of salads, pastas, and beloved steaks and chops ensuring a dining experience to cherish.

Daily Live Music



25% off
for
locals

Open daily for
dinner from
5.30 to 10.30pm

Caso baranan di oro Kende lo bay paga mey miyon dollar pa daño y perhuicio



MIENTRAS cu tin tur indicacion cu e apelacion di Ministerio Publico lo no resulta den un exito den e caso di baranan di oro cual proceso a inicia dia 19 di februari di 2019, por surgi otro situacion caminda doñonan di e baranan di oro, lo por inicia un proceso pa cobra daño y perhuicio mirando cu ta for di 2019, no por a uza e cargamento aki pa saca nan placa of ganashi.

AWEMainta tin cu mostra aki cu no solamente lo sigui mas caso pa trata di exige gobierno paga daño y perhuicio, mas tanto ocasiona pa un investigacion cu for di inicio a mostra perdi caba, caminda ta papia di un suma di entre mey pa un miyon dollar.



Ministro di Husticia y Asunto Social ta anuncia cu entrante **22 april 2024** segun Ley di Molester, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion di permiso cu a ser haci pa un **instalacion di gas di 1x 150 galon** na **Tanki Leendert 249**. Den e periodo aki tur hende por expresa por escrito nan desacuerdo cu dunamento di e permiso menciona. Esaki mester ta dirigi na Ministro di Husticia y Asunto Social mediante director di Departamento di Legislacion y Asunto Huridico, Schotlandstraat 53.

E caso aki ta un proceso cu a costa gobierno hopi placa, caminda entre otro placa di overtime cu tabata necesario pa trata di haya sa e berdad y debi na e insistencia di Ministerio Publico pa apela un decision di Corte den Prome Instancia cu tabata bon cla, a pone e comerciantenan involvi perdi hopi na entrada di ganashi.

Tin hopi cos a bay robes cu e investigacion relaciona cu e cargamento oro aki, entre otro un avion cu segun RST lo a transporta e ora aki den forma clandestino y tambe e hecho cu oficialnan di RST no tabatin bo contacto cu e sospechosonan pa motibo cu esun no ta compronde Hulandes mientras cu di otro banda, e sospechosonan no tabata compronde Hulandes.

E comerciantenan involvi a perde hopi placa den e caso aki, pa colmo un caso pa cual no tabatin necesidad pa wordo hiba den Corte ya cu duana a mostra bon cla cu e grupo involvi semper a yena nan formularionan pa declara cu nan a drenta cu e oro y semper e transaccion a wordo aproba pa duana pero aparentemente for di un caminda un keho lo a drenta y pa cual a inicia un investigacion.

Un investigacion sin base ya cu e Hues den Prome Instancia a confirma den su decision, cu e grupo a cumpli cu tur exigencia den e tipo di casonan aki y ya a yega di pasa cargamentonan igual di oro, na cantidad di ocasion.

Cu lo haya sa algo di e keho cu a wordo entrega ta dificil ya cu Ministerio Publico pa algun aña caba, a bin ta creando su propio reglanan, cu ta laba laba cerca di reglanan existente pero cu no tin hustificacion pa inicia un proceso penal contra di un of mas persona.

Ministerio Publico a stagna y stroba formalmente un negoshi cu a haci uzo di tur medio legal pa haci negoshi cu nan clientenan y fuera di e acusacion sin base presenta pa no un pero dos Fiscal di Ministerio Publico, cu e grupo aki ta laba placa y tambe di falsificacion di documento, di e cinco acusacionnan cu e fiscalnan a presenta, tur a ser nenga pa Corte den Prome Instancia.

Awor ainda tin cu spera te cu **dia 10 di juni venidero** pa mira si HOF en berdad lo haya espacio pa atende un caso cu realmente tabata masha cla caba den Corte di Prome Instancia.

Aki claramente tin cu señala cu Ministerio Publico ta gastando placa cu no a di dje pero di e paga di belasting loke riba su mes tambe por wordo cuestiona y pone un hende of instancia responsabel pa esaki.

E comerciantenan aki lo a perde miles di dollar den e caso aki, ya cu nan no por a haci algo cu e cargamento aki.

19 - 25 april '24

DRY

spectacular

SUPER

Do it Center.

ROCKSTAR ENERGY
TROPICAL GUAVE 250ML



Normal Price f 4.19
Get Discount f 2.10

f Price. **2.09** EACH

GOUDA SAMURAI
SAUS TUBE 850ML



Normal Price f 12.89
Get Discount f 2.90

f Price. **9.99** EACH

MARUCHAN CHICKEN
RAMEN SOUP 3 OZ



Normal Price 3 for f 2.97
Get Discount f 0.48

3 for f Price. **2.49**

EXITO ROSQUILLAS DE
QUESO 12PACK



Normal Price f 6.59
Get Discount f 2.60

f Price. **3.99** EACH

PF MILANO ORANGE
CHOCOLATE 7OZ



Normal Price f 8.19
Get Discount f 4.20

f Price. **3.99** EACH

BEEZTEES BZ GROF
KATTENBAKSCHOP



Normal Price f 3.09
Get Discount f 0.60

f Price. **2.49** EACH

SV PAPER TOWELS 1 RLL
STRONG & ABSORBENT



Normal Price f 2.79
Get Discount f 0.80

f Price. **1.99** EACH

PUKI PUPPY FOOD
800GR



BEST
SALE

f Price. **2 for 7.49**

Normal Price 2 for f 8.78
Get Discount f 1.29

GWOON 10ST
SCHUURSPONSEN



BEST
SALE

f Price. **3 for 4.39**

Normal Price 3 for f 6.57
Get Discount f 2.18

SUPER Do it Center | Shaba 3, Noord | TEL: 5831111

Aruba cu caso di Dengue interna na hospital

DVG ta alerta comunidad pa yuda stop e transmision di Dengue

MANERA anteriormente indica den un comunicado Departamento di Salud Publico (DVG) ta monitoreando e situacion di Dengue na Aruba di cerca. Den cuadro di esaki DVG ta informa cu dos persona infecta cu Dengue a wordo interna den hospital. Un di e personanan aki ta bek na cas, y e otro ta sigui interna cu complicacionnan serio debi na Dengue.

Por a verifica cu ningun di e personanan aki a biaha recientemente, indicando cu ta trata aki di dos caso di Dengue di transmision local. DVG ta informa tambe cu ta observando mas caso cu ta di spera – of cu ta normal – p’e temporada aki.

Ta conseha publico pa keda atento di sintomanan di Dengue manera keintura, dolor di cabes, bira-mento di stoma of sacamento, diarea, dolor di curpa, dolor di wowo, rash. Si tin sospecho di infeccion, consulta cu bo dokter di cas. Ta importante pa bo informa bo dokter di cas ki dia bo a cuminsa sinti malo pa asina e por laga haci test nan adecua di laboratorio.

DVG ta haci un yamada na pueblo pa nos sea responsabel y alerto pa hunto nos elimina criadero di sangura.

Pa cu esaki ta esencial pa nos sigui e medidanan preventivo:

- Controla tur caminda paden y/of pafo di cas, trabou y scol unda cu por tin awa para manera



hemchi, barinan, bakinan, etc. y tira esaki afo.

- Trata obheto cu tin awa constante aden cu “korreltjes” special pa mata e larva di sangura cada 14 dia.
- Proteha bo mes contra picanan di sangura.

Gele Koorts Muskiet Bestrijding (GKMB) pa algun siman caba a intensifica nan controlnan y medidanan preventivo, teniendo na cuenta e cantidad creciente di casonan na Aruba.

Pa yuda comunidad den e prevencion, GKMB lo contribui cu saconan cu “korreltjes” special pa mata e larva di sangura. Por tira e “korreltjes” aki den hemchi, bari y bakinan di mata cu tin awa constant aden y na unda e sangura por pone webo.

E “korreltjes” aki ta obtenibel na oficina di DVG na Oranjestad cerca nos recepcionista di dialuna pa diabierna di 7.30 a.m. - 12.00 p.m. y 1.00 p.m.- 4.30 p.m. y tambe cerca nos seccion di GKMB na Barcadera 1D di dialuna pa diabierna 7.30 a.m. - 3.30 p.m. E saco cu “korreljes” ta completamente gratis y por busca 1 saco pa famia/cas/negoshi.

DVG ta haci un yamada na pueblo pa hunto nos sigui e medidanan preventivo y asina hunto nos combati criadero di sangura. DVG ta keda monitor e situacion di cerca y lo tuma medidanan adicional si mester.



Ministro encarga cu Turismo y Salubridad ta anuncia cu entrante **22 april 2024** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **slijtvergunning** pa e parcela na **Gutenbergstraat 2, Lok 1**. E permiso aki ta concerni e.o. benta di bebida sterki y zwak por detal y pa consumi unicamente otro caminda cu den e percela. Den e periodo aki tur hende por expresa por escrito nan desacuerdo contra dunamento di e permiso menciona, dirigi na e Ministro encarga cu Turismo y Salubridad via intermediacion di Director di Departamento di Legislacion y Asunto Huridico, Schotlandstraat 53.

**MULTIPLICA
BO PREMIO CU**

MULTI-

X

FP

x2

x3

x5



www.lottoaruba.com



Cuenta anual di Imsan 2023 ta mustra logronan remarcabel y compromiso na excelencia

AYERA mainta Minister Dangui Oduber a ricibi bishita di dr. Rajnherc, director di Imsan y tambe miembro di hunta di supervision, sr. Jimenez, pa orguyosamente entrega e cuenta anual di año 2023 na Minister di Salud. E cuenta anual ta refleha con Imsan a destaca cu un año di logronan significativo y un compromiso pa brinda cuido di calidad na e comunidad di Aruba.

Na 2023, Imsan a logra di ricibi e prestigioso Gold Seal of Approval for di Joint Commission International (JCI). E acreditacion distingui aki ta sirbi como un prueba di Imsan su compromiso n'e standardnan internacional pa calidad y siguridad den cuidado di salud, reafirmando Imsan su dedicacion na excelencia den cuido di pashent.

Ademas, Imsan a inverti den infraestructura door di adkiri ekiponan esencial pa efectua cirugianan di wowo y sosteniendo e demanda creciente pa operacionnan di wowo. E avancen an aki no solamente ta pa mehora e capacidad di e instituto, pero tambe ta segura cu e pashentnan ta ricibi e standardnan mas halto di cuido.

Pa reforsa ainda mas e compromiso pa mehora e servicio di salud, Imsan a obtene financiamiento di 4.1 milyon florin for di AZV pa e año 2024. E sosten financiero aki lo wordo utiliza pa adkiri ekipo adicional p'e seccion di diagnostico di e centro di wowo.



Adicionalmente, Imsan a ordo dos ambulance nobo, cu ta planifica pa yega na Aruba pa fin di Augustus 2024. E adicionnan aki lo reforsa e servicio di emergencia medico, sigurando transporte rapido y confiabel pa pashentnan cu ta sufri di obesidad.

Na 2023, Imsan a atende un remarcabel 16,000 pashent door di su departamento di emergencia, a efectua 1,200 cirugianan di catarata, y a administra terapia di radiation na 250 pashent. E cifranan aki ta enfatisa e rol importante di e instituto den brinda servicio di salud esencial n'e comunidad Arubano.

Minister di Salud a termina e reunion elogiando e logronan di Imsan y a extende gratitud n'e personal dedica kende nan esfuersonan a contribui na exito di 2023. Mirando padilanti na 2024, Minister Oduber a expresa confianza den e capacidad di Imsan pa sigui entrega cuido excepcional y a encurasha e team pa persigui nan metanan cu curashi y determinacion.

**NEW TIRES
JUST ARRIVED
VISIT US THIS WEEK**

**NAPA
ARUBA**



JC EVENTS

ESTE **27. ABRIL** 2024 **ARUBA** **8:00 PM**

ELDER DAYÁN
Y LUCAS DANGOND
NFUZION | BULERIA
DJ RWIIN | DJ SKY | DJ ANFE

745-7878 **VARADERO ARUBA - MARINA & BOATYARD**

Logos at the bottom: Old Parr 1871, e.lite, EVENTOLOGIST, TRIPLE D, Varadero ARUBA MARINA & BOATYARD, POWER 101.7 FM, PS, fish house, Cummins, Kini Kini Transfer & Tours.

Helicopter y avionnan nobo di Wardacosta Caribe Hulandes ta operacional

ULTIMO añanan tras di lomba a traha duro riba contractnan nobo pa e unidadnan aereo pa Wardacosta Caribe Hulandes. Meta di a cera e contractnan aki ta un proveedor di servicio confiabel pa Wardacosta y unidadnan aereo moderno, ekipa cu hermentnan tecnologico cu ta yuda den ehecucion di e tareanan di Wardacosta.

Na momento di cera e contractnan nobo e unidadnan aereo a haya un modernisacion amplio di medionan di comunicacion y sensor. E medionan nobo ta entre otro: e sensornan nobo, camaranan nobo pa anochi y di dia y otro ekiponan renoba pa utiliza na bordo. E materialnan nobo ta masha adecua pa accionnan di rescate riba lama, y tambe tareanan di investigacion y supervision.

E helicopternan ta procedente di e compania



Bristow Helicopters Limited. Pa medio di e contract cu Bristow, Wardacosta a sigura su capacidad di vuelonan cu e helicopter pa su servicionan cu 10 año. Pa loke ta trata e avionnan, Wardacosta a cera un contract cu ISR, cu ta un cooperacion entre PAL Aerospace Ltd. y e compania Hulandes Jetsupport. E contract aki tambe ta garantiza e servicio di e avionnan pa un periodo di 10 año.

Wardacosta Caribe Hulandes ta contento cu e contractnan nobo y e recursonan abordo pa ehecucion di e tareanan di Wardacosta.

BAN
COLOMBIA
BOGOTA
CALI
MEDELLIN

ARUBA/
COLOMBIA
CUMINSANDO NA PA DESTINO
\$100 USD

AUA
AEROPUERTO INTERNACIONAL DELTA BEATRIZ

wingo.com
¿Cómo quieres volar?

19-25 april '24

MEAT

spectacular

SUPER

Do it Center®

CHICKEN LEGS



Normal Price f7.99
Get Discount f3.00

f Price. **4.99**
PER KG

BEST SALE

U.S. NASI/BAMI PORK CUBES



Normal Price f13.49
Get Discount f2.00

f Price. **11.49**
PER KG

U.S. BONELESS SIRLOIN/HAMLAPPEN



Normal Price f14.49
Get Discount f2.00

f Price. **12.49**
PER KG

BBQ GRILL PORK SATE



Normal Price f16.99
Get Discount f3.00

f Price. **13.99**
PER KG

CHICKEN BURGER BREADED



Normal Price f16.49
Get Discount f2.50

f Price. **13.99**
PER KG

CHORIZO SAUSAGE



Normal Price f17.49
Get Discount f3.00

f Price. **14.49**
PER KG

SWEET'N'SOUR CHICKEN



Normal Price f18.81
Get Discount f3.82

f Price. **14.99**
PER KG

ANGUS BURGER SEASONED




BEST SALE

f Price. **23.49**
PER KG

Normal Price f28.49
Get Discount f5.00

ANGUS EYE ROUND MINUTE STEAK



f Price. **31.99**
PER KG

Normal Price f35.99
Get Discount f4.00

SUPER Do it Center | Shaba 3, Noord | TEL: 5831111



Mirrors Beauty Academy ta ofrece e siguiente serviccionan

Laba
Corta
Blowdry
Keratina
Cold Wax

Tinja
Highlights / Mechas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Prome Minister a reuni cu varios consul riba temanan hopi importante

DIAHUEBS 18 di april, Prome Minister Evelyn Wever-Croes a reuni cu varios consul cu ta representa varios pais na Aruba. A trata di Consul di Republica Dominicana, Consul di Colombia y Consul Honorario di Jamaica.

Consul General di Republica

Dominicana señor Luis Perez Delgado

E prome reunion tawata cu Consul General di Republica Dominicana señor Luis Perez Delgado. Señor Delgado a indica cua ta e preocupacionnan cu mas tin bou di e ciudadanonan di Republica Dominicana na Aruba. Na prome luga, el a indica di ta sumamente contento di ta na Aruba, cu Aruba ta un paraiso y cu tin hopi potencial pa por explora hunto cu Republica Dominicana. Prome Minister a bolbe toca e tema di e rutan di transporte pa por trece fruta y berdura, material di construccion mas frecuente y mas lihe pa asina e fruta y berduranan por bin mas fresco y na prijsnan mas abou.

Consul General di Colombia

señor Gustavo Serrano Amaya

Despues a sigui e Consul General di Colombia, señor Gustavo Serrano Amaya y cu señor Serrano Amaya a trata diferente otro tema entre otro e tema di permiso cu ta un critica cu ta bin hopi padilanti, pero tambe a trata e tema pa Aruba por traha mas hunto cu Colombia pa locual ta trata desasternan y calamidadnan. Un bon noticia referente esey ta cu Colombia, riba su propio costonan a invita Aruba pa varios training den e campo aki. Tambe a papia di temanan di e posicion di hende muhe entre otro e proteccion di hende muhe unda Colombia ta un pais

hopi fuerte den esey. Anteriormente ya Aruba a indica na e embahador pa e dos paisnan traha hunto riba esaki y awor aki Colombia a invita Aruba pa mas cooperacion riba e tema.

Un otro tema hopi importante cu semper ta trata cu Colombia ta e relacionnan di comercio, con por fortifica esakinan y asina Aruba por yega na importa carni y galiña for di Colombia y asina por haya carni mas fresco y na prijs mas barata. Akinan e mandatario a wordo informa cu e trabounan ya ta andando pa logra esaki y cu e aña aki ta purba di keda cla cu e leynan necesario y asina Aruba por importa carni y galiña for di Colombia.

Consul Honorario di Jamaica

señor Don Taylor

E ultimo consul cu Prome Minister a reuni cu ne ta e Consul Honorario di Jamaica, señor Don Taylor. Señor Taylor a indica, comparando Jamaica y Aruba, cu Aruba ta un paraiso y cu ainda tin espacio pa mas cooperacion. Ya caba tin algun compania na Aruba cu tin cierto relacionnan cu Jamaica riba e tema di comercio cual ta hopi importante y lo sigui busca pa mehora den esaki. Semper ta importante pa tin mas relacionnan di comercio ya cu e ta yuda cu e desaroyo di e economia di Aruba. Prome Minister a expresa cu e reunion tawata hopi informativo y cu semper ta importante pa scucha e preocupacionnan cu ta biba bou ciudadanonan di Jamaica aki na Aruba.

E mandatario a indica cu Relacionnan Exterior ta un tema cu realmente ta cay bou e competencia di Reino Hulandes y Aruba ta hopi mara na locual cu Hulanda



ta indica den esaki, pero akinan na Aruba e ta cay bou di su ministerio y p'esey ta hopi importante pa mantene e relacionnan cu e consulnan. *"Nos tin un cuerpo consular na Aruba caminda tur e consulnan ta representa den dje y nos ta bay tin reunionnan regularmente cu e cuerpo consular riba tur e temanan di importancia. Pa Gobierno di Aruba ta importante pa tur ciudadano cu a haci di Aruba nan hogar, sinti nan mes na cas, atene nan mes naturalmente na e regla- y proceduranan di nos pais y pa wak con nos por tin mas cooperacion pa por yuda Aruba sigui bay padilanti"*, e mandato a expresa.

E resistencia indigena contra e plannan di perforacion petrolero Amazonico di Petrobras ta aumenta

BRASIL su ambicionnan pa saca probecho di e reserva di petroleo grandi na su costa nort ta enfrenta un reto formidabel, ya cu e gruponan indigena ta opone ferozmente n'e impulso di Petrobras pa perfora den e region ecologicamente fragil di Amazonia. A pesar di preocupacionnan economico y violacion di derechonan indigena, Petrobras ta persisti den su buskeda pa explora e area lucrativo di Foz do Amazonas.

E enfrentamento ta intensifica mientras Petrobras, apoya pa politiconan di peso, ta busca pa anula e decision di Ibama pa nenga un licencia di perforacion exploratorio. Presidente Luiz Inácio Lula da Silva y Minister di Energia Alexandre Silveira ta boga pa interes nacional, mientras cu comunidadnan indigena ta manifesta bou di bandera di consulta previo, segun e convencionnan internacional.

Liderando e crisis aki t'e Conselho de Caciques del Pueblo Indigena De Oiapoque (ccpio), cu ta representa mas di 60 pueblo indigena. Nan ta exige un stoel na mesa, enfocando nan derecho pa evalua e posibel impacto di extraccion di petroleo riba nan tera ancestral y forman di bida tradicional.

Mientras Petrobras ta trata na acelera e perforacion, e resistencia indigena ta gana impulso, apoya pa ambientalistanan cu ta desconfia di e daño irreversible n'e ecosistema di costa. E proceso di consulta, hunto cu e demandanan di evaluacion integral di impacto, ta menasa di retrasa un decision te cu 2025, coincidiendo cu e cumbre climatico fundamental di Brasil.

Cu e bataya aki, e destino di Amazonia ta colga na un hilo, destacando e interaccion complica entre desaroyo economico, conservacion di medio ambiente y soberania indigena.

Segun cu tensionnan ta aumenta, Brasil ta enfrenta e pregunta fundamental di cua interesnan mester prevalece den e buskeda di siguridad di energia y sostenibilidad di medio ambiente.





SHERWIN WILLIAMS®

April 19 – 22

40% OFF*

PAINTS & STAINS

Plus 30% off Supplies

Sale prices starting at \$52.72



Your neighborhood Sherwin-Williams store is right around the corner.

SAVANETA 326C
+297 584 7272

L.G SMITH BLVD 120
+297 5882211

BOEGOEROEI
+297 5877788

*Valid on retail sales of retail products only. Discount taken off of our list price. Sale pricing or other offers that result in greater savings will supersede this offer. Offer excludes previous purchases, gift cards, Peel & Stick Paint Samples, Multi-Purpose primers, Sketch Pad® Dry Erase Coating, ladders, spray equipment and accessories. Other exclusions may apply, see store for details. Valid at US/Caribbean/Puerto Rico Sherwin-Williams retail paint stores only. Offer valid 4/19/2024- 4/22/2024.

Canciye Scholz cu bishita diplomatico na China memey di tensionnan creciente

CANCIYER Olaf Scholz di Alemania durante su bishita na China, a cana un caminda diplomatico delicado, esforsando su mes pa fomenta relacionnan economico cu e nacion y na mes momento enfrentando preocupacionnan tocante e desekilibrio comercial y tensionnan geopolitico. Den un acto di balansa delicado, Scholz a busca pa promove interesnan comercial Aleman mientras cu e tabata transmiti e preocupacion di Europa riba e practicanan comercial di China y su apoyo na Rusia.

Scholz su cita cu lidernan Principal di China, incluyendo presidente Xi Jinping y Prome Minister Li Qiang, a desaroya den e contexto di tensionnan creciente alimenta p'e conflicto di Rusia na Ucrania y e manio-branan geopolitico di China contra Merca, e aliado principal di Alemania. Durante su bishita, Scholz a defende e causa di empresanan Aleman cu ta enfrenta retonan creciente riba e mercado Chines, accentuando e preocupacion di Europa p'e afluencia di productonan Chines na prijsnan subsidia.

Sinembargo, Scholz a opta pa un tono conciliado en bes di un retorica di confrontacion durante su compromisonan di riesgo halto na Beijing. Su escogencia strategico a enfatisa e complicacionnan di e relacion di Alemania cu China, caracteriza pa interdependencia economico entrelasa cu rivalidad geopolitica. Mientras Alemania ta enfrentando stagnacion economico y e gastonan di energia cu tabata crece pa motibo di e guerra na Ucrania, Scholz a atende e topiconan delicado di e relacionnan entre

Alemania y China cu pragmatismo cauteloso.

A pesar di esfuersonan di Scholz pa proyecta un frente uni, e fisura den e panorama politico di Alemania a bira evidente. E bishita di e canciyer na China a marca e prome desde cu su gobierno a designa China como “socio, competido y rival sistémico”, subrayando e buskeda di Alemania pa mitiga su dependencia di productonan Chines den medio di incertidumbre global. Den e contexto aki, Scholz a afronta e desafio formidabel di balansa pragmatismo economico cu autonomia strategico, ya cu Alemania ta enfrenta e imperativanan di interes nacional y solidaridad Europeo.

Durante reunionnan cu empresanan Aleman y representantenan comercial, Scholz no a evita di trata asuntonan contestativo relaciona cu agilidad comercial y acceso na mercado. Bogando pa mas colaboracion entre Alemania y China, Scholz a enfatisa e importancia di igualdad di condicion, urgiendo China pa frena e practicanan comercial desleal y garantiza acceso reciprocal n'e mercado.

Scholz su bishita na China a personifica e posicion delicado di Alemania riba escenario global, ya cu e ta busca pa salvaguardia interesnan economico mientras e ta nabega e situacion geopolitico. Mientras cu e poder economico di Europa ta trata cu e ramificacionnan di agresion di Rusia y asertividad di China, e proposicionnan diplomatico di Scholz a enfatisa e importancia di balansa compromiso economico cu resiliencia strategico.

Den cuadro di e incertidumbre geopolitico creciente y e retonan economico, e compromiso di Alemania cu China ta surgi como un prueba di candela di su delicadesa diplomatico y perspicacia strategico. Mientras Scholz ta regresando for di su estadia diplomatico, Alemania ta enfrentando e tarea tremendo di reconcilia imperativanan economico cu realidad geopolitico den un orden mundial cu ta bira mas y mas volátil.

NEW ROUTE

LIMA ✈️ ARUBA

Tur diahuebs,
diasabra, diadomingo

BOOK
bo ticket na
www.latamairlines.com

AUA
AEROPUERTO INTERNACIONAL REINA BEATRIZ

LATAM
AIRLINES

PA MAS INFORMACION BISHITA WWW.AIRPORTARUBA.COM

Cinco detencion na Hulanda

Red internacional di phishing desmantela



DEN un operacion extenso di polis, un red di crimen cibernetico a wordo desenmascara, y a resulta den desmantelamento di un red internacional di phishing. E red nefasta aki, conoci como LabHost, tabata opera clandestinamente riba e dark web, bendiendo websitenan falsifica cu tabata imita banco y entidadnan gubernamental di renombre na criminalnan cu tabata empeña den actividadnan fraudulento. Via LabHost, e delincuentenan aki a orkesta e robo di e cantidad asombroso di 500.000 data di credit card y a horta 1.2 milyon password, hincando un cantidad innumerabel di victi-manan den peligro financiero y inseguridad digital.

Lidera pa e esfuersonan di vigilancia di e agencia di polis na Londres, y den colaboracion estrecho cu Europol y FBI, un accion coordina a resulta den detencion di 37 sospechoso rond mundo, cinco di nan riba tereno Hulandes. E investigacion meticuloso, cu a cuminsa na 2022, a culmina den mas di 70 razzia meticulosamente ehecuta, revelando e alcance di e operacionnan di e red.

LabHost, crea pa un organisacion criminal sofisticada, a sirbi como un 'one-stop-shop' pa estafadornan cu no tabatin experiencia tecnico, dunando nan acceso na replica elabora profesionalmente for di websitenan di marca confiablel. Probechando tacticanan psicologico, e red a probecha predominantemente di e gruponan demografico mas hoben, instigando nan pa divulga involuntariamente informacion confidencial y sucumbi na transaccionnan engañoso online.

Na Hulanda, unda 18 pais a uni forza den buskeda di husticia, oficialnan encarga cu aplica ley a haci buskeda intensivo den seis residencia, descubriendo un tesoro di prueba incriminatorio, incluyendo aparato di almacenamiento di data, SIM card y hasta arma di candela. Entre e sospechosonan deteni, entre 21 y 36 aña di edad, autoridadnan a tuma medida decisivo pa stop e ola di crimen cibernetico.

Mientras ta culmina e operacion historico aki, publico ta wordo urgi pa keda alerta contra e plaga di e atake di phishing. Vigilancia ta primordial, y ta conseha personanan pa preocupa ora nan ta enfrenta e-mail sospechoso of website cu ta pidi informacion personal. E ta sirbi como un recordatorio cla cu e panorama digital ta keda plaga di peligro, cu ta rekeri vigilancia colectivo y accion rapido pa proteha contra menasanan online.



BUCUTI & TARA
BEACH RESORT - ARUBA



Elements
RESTAURANT

We Are HIRING

Join Our Award-Winning Team

#1 TOP HOTEL IN THE CARIBBEAN
#18 TOP HOTELS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

OPEN POSITIONS

- ✓ **IT SPECIALIST**
- ✓ **HOST/HOSTESS (AM/PM)**
- ✓ **BEACH ATTENDANT**
- ✓ **HOUSEKEEPING SUPERVISOR**
- ✓ **HOUSEMAN**
- ✓ **ROOM ATTENDANT**
- ✓ **FRONT OFFICE SUPERVISOR**
- ✓ **DOORMEN / DOOR LADY PART TIME**

BENEFITS

ATTRACTIVE SALARIES WITH BONUS OPPORTUNITIES
5-DAY WORKWEEK (40-HOURS A WEEK)
WITH UP TO 27 VACATION DAYS BASED ON YEARS OF SERVICE
GYM MEMBERSHIP WITH BODYZONE AND CUTS & CURVES
+ LIFE AND HEALTH INSURANCES
SAVINGS & LOAN PROGRAM, EMPLOYEE DISCOUNTS



APPLY ONLINE AT: WWW.BUCUTI.COM/CAREERS

Agencia di ayudo ta mira poco mehoracion na Gaza



UNRWA, e agencia di Nacionnan Uni pa refugiadonan Palestino y Israel ta involvi den un disputa cayente, mientras cu e condicionnan humanitario na Gaza ta mostra poco mehoracion, segun e organisacionnan di ayudo.

Militar Israeli a anuncia cu nan ta mandando convoy cu ayudo humanitario pa Gaza for di e puerto di Ashdod, casi 30 kilometer nort di e teritorio. Ocho truck di e Programa Mundial di Alimento (PMA) a transporta principalmente hariña pa Gaza riba diamars. Israel na prome instante a priminti di uza e puerto di Ashdod pa yuda Gaza, unda condicionnan di hamber ta persisti, segun cu NU y hopi grupo di ayudo a informa.

Philippe Lazzarini, director di UNRWA, a acusa Israel di deliberadamente causa un “hamber provoca pa hende” na Gaza, denunciando un “campaña traicionero” contra e agencia. Como contesta, representante di Israel na Nacionnan Uni, Gilad Erdan, a declara cu UNRWA no ta priorisa yudansa humanitario mas y supuestamente ta instiga sentimento anti-Israel entre hobennan.

Relacionnan entre UNRWA y Israel a deteriora, ya cu Israel a nenga UNRWA acceso na nort di Gaza for di maart. Anteriormente, Israel a acusa algun miembro di personal di

UNRWA di ta involvi den un atake di Hamas riba 7 di october 2023, loke a conduci na su dispidimento.

E resultadonan di un investigacion interno di N. U., ta wordo publica diasabra, y por ta contene mas informacion ariba esaki.

Contradiciendo e afirmacionnan internacional di hamber na Gaza, e Prome Minister Israeli, Benjamin Netanyahu, a nenga e existencia di hamber y a afirma e esfuersonan di su gobierno pa trata preocupacionnan humanitario.


E militar Israeli ta afirma di a permiti un total di 376 truck di ayudo drenta Gaza ayera, y 215 a drenta exitosamente, incluyendo 150 carga cu cuminda.

Sinembargo, e organisacionnan di yudansa ta enfatisa e necesidad di mas entrega di yudansa diario, bogando pa 500-600 camion diario, preferibel via tera, cu ta mas lihe, sigur y rendabel.

A pesar di e aumento recién den entrega di ayudo, organisacionnan manera Médecins Sans Frontières no ta informa di mehoracion tangible den e condicionnan di Gaza, atribuyendo e reto na e ausencia di un cese di candela duradero.

TECNOLOGIA

TikTok Notes ya ta disponibel na Australia y Canada



TIKTOK a anuncia cu su aplicacion mobil di potret y texto TikTok Notes ta den e “prome etapanan di experimentacion.” Tin di remarca cu algun usuario ya por download e y purba tanto na Australia como na Canada.

E version aki di TikTok ta presenta como un aplicacion di potret cu ta permiti mostra e publicacionnan di potret anteriormente comparti riba e cuenta di e plataforma, como tambe publicacion di imagen nobo.

E usarionan di e red social a cuminsa ricibi un notificacion na principio di e luna aki caminda cu a indica cu TikTok Notes lo yega “pronto”. Asina e analista di red social Matt Navarra, a delanta.

E compania a anuncia ayera cu e ta “den e prome etapanan di experimentacion cu un espacio dedica pa contenido di potret y texto” cu e aplicacion mobil TikTok Notes, segun un publicacion riba X (anteriormente conoci como Twitter) a señala, for di su cuenta TikTokComms.

TikTok Notes, cu “ta diseña pa esunnan cu kier comparti y interactua” cu otro usuario a traves di material fotografico, ya cu e ta disponibel pa download y den formato di prueba limita pa algun usuario na Australia y Canada.

E app ta permiti vincula e cuenta di e usarionan cu esun di TikTok. Fuera di esey, ta dispone di dos feed di contenido. Ta trata di Para ti y Siguiendo - e mesun cu ta ofrece e aplicacion original - y e imagennan lo por comparti di manera individual of bon mediante carrousel di varios potret. Tambe, lo muestra den dos columna estilo di Pinterest.

P’awo e compania Asiatico no a delanta si ta spera pa hiba TikTok Notes na mas region una bes cu e supera e prome fase di prueba aki ni ki ora lo hacie den e casi aki.

TARA LOUNGE

by Elements

RESTAURANT

SUNDAY BRUNCH

\$55 PER PERSON | CHAMPAGNE INCLUDED

11:30 AM - 3 PM | ADULTS ONLY | CASHLESS

AC INDOOR & OUTDOOR SEATING

RESERVATIONS REQUIRED

elementsaruba.com | +297 583-1100 ext 3

Un biaha mas Samsung ta converti den e bendedo mundial di smartphones



SAMSUNG a recupera su posicion como mayor bendedo di “smartphones” of telefon inteligente door di a kita e liderazgo fo'i Apple, conforme e rivalnan Chines ta cera e gap cu ambos lider di e mercado, International Data Corporation (IDC), a informa dialuna.

E compania tecnologico cu sede na Zuid Korea, a supera Apple na un momento caminda cu e benta mundial di smartphones a crece casi 8% den e prome trimester di e aña aki, te na 289,4 miyon, segun IDC citando su datonan preliminar.

Ta trata di e di tres trimester consecutivo di crecimiento riba mercado mundial di smartphones, loke ta musta cu un recuperacion di e caida den e sector ta den marcha, di acuerdo cu IDC.

E vie-presidente di e ekipo di Seguimento na Movilidad y Dispositivo di Consumo Mundial di IDC, Ryan Reith, a spera cu e principal empresanan di telefon inteligente lo gana participacion. Tambe, cu e marcanan chikito lo lucha pa un posicion conforme e recuperacion ta avansa.

Samsung ta supera e expectativanan

Samsung a bende 60,1 miyon telefon inteligente den e prome trimester di e aña aki, casi 21% di e mercado, segun e cifranan di IDC.

Apple a bende 50,1 miyon di iPhone, poco mas di 17% di e mercado den e mesun periodo, e compania di analisis di mercado a añadi.



Bin bishita nos y probecha!

Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 – 5653466
E-mail: info@carlymar.com



DEPORTE

deporte@awemainta.com

Futbol Copa Honor Plata

Santa Fe ta gana Sportboys y ta tene duro na di dos luga



E furiosonan di Santa Fe mester a bataya duro un biaha mas pa logra un victoria riba e muchanan di Angochi, Sportboys. Den prome buelta Sportboys ta sorprende e furiosonan di Santa Fe, pero e team di Meiveld a zorg cu p'e biaha aki si cos cana manera e mester ta. E wegá no a bay facil, specialmente den e prome tempo caminda Sportboys a defende cu alma y cuero, Julio Dirksz y Jean Pierre Heiden a haci un tremendo trabou y e keeper Jorick Mackay a trece poco salvacion na ora pa tene e score empata na cero gol.

E furiosonan mester a warda te na di 59 minuut pa score nan prome gol. Tawata Hugo Robert cu ta manda e bala den net pa duna Atletico Santa Fe e bentaha. Sigur por a mira cu den di dos buelta e nivel di e team nan a subi basta. No tin wegá facil. Team nan manera Caravel y Real Koyari ta dunando bataya nan fuerte. Sportboys no ta un excepcion y tambe ta luchando pa un luga den e prome tresnan.

Casi den pito t'e maximo goleador di Atletico Santa Fe Fladimy Francois cu ta caba cu tur speranza di e muchanan di Angochi cu un tremendo gol pa haci e wegá 2-0. Fladimy

Fracois no por a keda afo di e celebracionnan. Esaki ta su di 8 gol riba su cuenta personal. Cu e victoria aki e furiosonan di Atletico Santa Fe ta yega 15 punto y t'e escolta mas cercano di e leader di e grupo cu ta SV La Fama cu 21 punto.

E speranza berde di Savaneta mester saca minimo 4 punto di su ultimo 9 nan p'e sigura e prome luga di e grupo. Teoreticamente Santa Fe tambe por sigura su di dos luga **dialuna 22 di april** contra e Miyonarianan di Real Koyari. E prome dos luganan por keda dicide e weekend aki mes y lo keda e tercer luga habri cu lo mester bira un lucha entre Jong Aruba, Sportboys y e Piratanan di Caravel.

E muchanan di Angochi ta mira accion atrobe **diadomingo 21 di April** pa 4or di atardi contra e Speransa berde di Savaneta, SV La Fama. Un wegá sigur crucial ya cu actualmente nan ta na di 4 luga cu 7 punto, 2 menos cu e Diablo Rojonan di Sereo Janchi, SV Jong Aruba. Un invitacion ta bay n'e fanaticada di futbol pa bishita Compleho Deportivo Frans Figaroa e weekend aki pa apoya nan team favorito.

Futbol Copa Honor Plata

Caiquetio ta propina Unistars su di dos derota sigui

E caminda pa Division di Honor sigur no ta facil, pero e submarino blauw di Pos Chiquito a pone un poco mas piedra den nan caminda. Despues di un prome buelta perfecto caminda nan ta piki 15 punto, e di dos buelta e submarino blauw a manera perde strea di Noord. E wegá ni cuminsa drechi y e Indjannan ta bay ariba.

Un mal comunicacion den e defensa di Unistars ta produci un auto gol di Donovan Henriquez y asina Caiquetio ta bay ariba 1-0. E Indjannan no a ni mishi cu e bala ainda y ya nan tawata ganando. Cos ta complica mas ainda p'e submarino ora cu na di 9 minuut referee ta pita un penalty pa Caiquetio. Emigen de Cuba, e Cacique mayor mes ta sali for di den defensa pa cobra e penalty aki, y sin problema ta pone e bala den net pa manda Caiquetio ariba 2-0.

Na di 18 minuut Caiquetio ta bolbe score pa medio di Medwin Werleman pa haci e wegá 3-0. Prome cu 20 minuut ya e Indjannan tawata tin un bentaha comodo di 3-0. E wegá tawata muestra den direccion di un goleada pero e submarino ta stabilisa y ta cuminsa domina y pone presion riba e gol di Caiquetio.



Manera di dos tempo a cuminsa na di 48 minuut Albert Roy Francis "Killer" ta corta bentaha pa haci wegá 3-1. Esaki a hisa e moral di e team di Pos Chiquito y a nan a cuminsa bira mas agresivo den atake, pero e anochi aki e palo di gol tawata tin uniform di Caiquetio bisti.

Un total di 3 bala ta dal den tubo scapando e Indjannan y nengando e submarino di corta bentaha. Mester menciona cu e wegá aki tawata uno hopi fisico. Un total di 10 carchi geel a wordo reparti e anochi aki y un carchi cora. Caiquetio ta batisa su uniform nobo cu un Victoria y ta pone un fin na un racha di 2 wegá perdi. E Indjannan ta yega 9 punto, pero asina mes ta keda claba na di 5 luga tras di Rooi Afo y e Hulk nan di Bubali.

Pa Unistars esaki ta nan di dos derota sigui, pero asina mes ta keda mantene e di dos luga cu 15 punto. Cu e victoria dialuna anochi di e Hulknan di Bubali riba Atlantico Deportivo, e team di Noord ta yega 12 punto y ta yega cerca di e submarino Blauw. Contrario na grupo B caminda basta cos ta defini caba, e grupo A ainda tin hopi cos pa pasa prome cu por bisa ken ta den e prome 3 nan.

E siguiente wegá di Unistars ta **dialuna 22 di april** pa 7or di anochi contra e benjaminan di Atlantico Deportivo y e Indjannan di Caiquetio ta mira accion atrobe **diadomingo 21 di april** pa 8or di anochi contra e puntero nan di e grupo, e soldaatnan di Sabana Liber, SC United. Yega e weekend aki na Compleho Deportivo Frans Figaroa pa apoya bo team faborito.

APPAREL

BOAT ACCESSORIES

[f TodomarAruba](#)
[@TodomarAruba](#)
[TodomarAruba](#)
[+297 585 0555](#)

FISHING TACKLE

FIBERGLASS PRODUCTS

12 Hours di Aruba ta bolbe na 2024!



E tension ta subiendo mientras e edicion di 2024 di 12 Hours di Aruba ta acercando. Riba **diasabra 20 di april**, participantenan entusiasma di entre otro Aruba, Curaçao, Bonaire y Hulanda ta reuni na Sero Cristal pa un di e eventonan mas emocionante den e region. Cu un mescla di adrenalina, team spirit y pa un bon causa, e evento internacional aki organisa pa FX Hubada ta promete pa ta un espectáculo cu ningun hende kier perde.

E evento ta cuminsa riba **diabierna 19 di april** cu e Strider Competition na 18:00or, unda e coredonan mas hoben ta haya e oportunidad pa muestra nan habilidad riba un pista adapta. Mas laat na anochi, durante e inscripcion di e teamnan, tambe e capitan di team y boluntarionan ta haya informacion durante un briefing di seguridad.

Riba **diasabra 20 di april** e evento ta bayendo na velocidad pleno cu e prome edicion di e Kids Mountain Bike Race, cu ta cuminsa na 07:30or. Muchanan entre 5 y 13 aña lo lucha den dos categoria di edad riba un pista specialmente diseñá, posibel gracias na Tri-Bike Aruba.

Na 12:00or merdia, e climax di e dia ta cuminsa, e 12 Hours di Aruba. Mas cu 50 team lo tuma e reto pa un periodo di doce ora riba e pista, reparti den team di homber, muhe y mixto. E pista ta traha cu cuido pa brinda un experiencia espectacular pa tur e participantenan.

E evento no ta solamente caracteriza pa prestacion deportivo, pero tambe pa entretenimento musical. For di 19:00 te cu 23:00or, e banda HAERFEN lo entretene e publico, mientras cu DJ Ayrton Anthony, DJ Armando, DJ Roger Dutch y DJ Dillon ta pone e ambiente festivo.

E 12 Hours di Aruba ta wordo sosteni pa Heineken 0.0 como patrocinado principal, cu danki na otro patrocinadonan manera AFAS, Flora, ITP Caribbean, Aeropuerto di Aruba, Caribbean Fasteners, Karcher, Superfood Plaza, Gatorade, Eurokitchen, CICC, Fx SportsCycling Team, Ennia, Kloes Kock & Partners, Keller Williams Aruba, Cool FM, Fresh FM, Divi, Cruz Roja Aruba, High Performance, Zen Design y Scaff Pro.

Pa mas informacion tocante e 12 Hours di Aruba, por bishita nos pagina di Facebook '12 Hours di Aruba' of nos pagina di Instagram '12hoursof-aruba.' No perde e experiencia inolvidabel aki!

TRAINING NIGHT

Training Seleccion Mundial 4 - 6 PM

Pista habri pa tur caballista di 6 PM

Bring your own drink



Rancho La Ponderosa - April 20

SECOND HAND SALE

Trese bo articulonnan pa bende, of probecha pa cumpra na bon prijs



Kick the stress away!

IPA su actividad social tawata un exito total

AMBIENTE deportivo y bon vibracion ta loke cu e comunidad di IPA y su invitadonan a trece den Veld di Britannia.

Departamento Bureau Voorlichting en Sociale Activiteiten (BUVOS) di Instituto Pedagogico Arubano (IPA) a organisa un actividad social pa su studiantenan y personal.

Locual cu a haci e actividad aki extra special ta cu tur maestro den veld cu ta yuda guia nos studiantenan tabata invita pa pasa un rato ameno cu e comunidad di IPA. Di e forma aki nos a gradici nan primeramente p'e guia y dedicacion na nos studiantenan. Tambe p'e amor incondicional cu nan tin pa nan profesion.

E actividad tabata den forma di un torneo di kickball cu e tema 'Kick the stress away'. Un tema cu ta recorda nos, cu nos tin di crea momento pa 'distress' p'asina nos hiba un bida saludabel y duradero.

E ekiponan a bataya fuerte contra otro y e fanaticadanan tabata 'all out' cu nan team.

E resultado final ta lo siguiente:

Prome luga: ekipo Pink Strikers

Segundo luga: ekipo The Blue(s) Brothers and Sisters

Tercer luga: ekipo Yellow Ballers

Nos estudiante y docentenan ta conoci pa personanan cu ta creativo. Palabra di pabien ta bay na e ekipo The Blue(s) Brothers and Sisters cu a luci espectacular den nan uniform. Boso creatividad y entusiasmo a laga e evento haya un briyo extra.

E actividad aki seguramente no tabata posibel sin cooperacion di diferente sponsor cu a kere den e evento aki y cu a yuda IPA sin pensa dos biaha. Nan ta: Subway, Chanti's y Domino's Pizza.

Comunidad di IPA no tin palabra pa gradici boso pa boso aporte. Masha danki di curason.



Real Madrid y Bayern Munich ta aplasta e gigantenan di Premier League

DEN un sorprendente cambio di even-tonan, e speranza di Premier League den Champions League a desaparece ora tanto Arsenal como Manchester City a sucumbi na e perdida den kwart final. Real Madrid y Bayern Munich a sali victorioso, seyando nan puesto den semifinal hunto cu Borussia Dortmund y Paris Saint-Germain, sin laga representacion Ingles den e buskeda di gloria Europeo.

Manchester City, campeon defensor, a enfrenta un bataya dificil contra Real Madrid. A pesar di esfuersonan di Kevin de Bruyne pa nivela e score, nan soño a keda kibra den e tanda di penalty, finalmente cayendo dilanti e 14 biaha campeon di Europa. Mientrastanto e speranza di Arsenal a keda frustra pa Bayern Munich, cu a probecha di e bentaha di wega na cas pa sigura e victoria.

E gol di Real Madrid contra Manchester City a marca e tono di nan triunfo, lagando e gigantenan Ingles luchando pa recupera. Bayern Munich tambe a probecha di e oportunidadnan perdi di Arsenal pa logra e victoria, mustrandonan dominio na cas.

Cu e powerhousenan di Premier League for di competencia, e semifinalnan ta priminti enfrentamento interesante y narrativa apasionante. Real Madrid ta busca pa agrega un di diescinco corona na su legado ilustre, mientras Bayern Munich ta busca redempcion despues di un temporada domestico desafiante. Kylian Mbappé ta lidera e cargo pa Paris Saint-Germain, aspirando e prome titulo Europeo di e club di su ciudad natal prome cu su salida anticipa.

Segun cu competencia ta intensifica,



fanaticonan ta anticipa ansiosamente e duelo entre e titannan di Futbol, Bayern Munich y Real Madrid, cu tin un historia grandi den Liga di Campeonnan. Mientras tanto, Dortmund y PSG ta competi pa nan oportunidad pa logra gloria, preparando e escenario pa un enfrentamento emocionante den semifinal.

Mientras cu e ausencia di representacion Ingles por ta un sorpresa, e semifinalnan ta priminti di ofrece enfrentamento captivante y momentonan inolvidabel na caminda p'e final di Champions League.

SIGN UP NOW

VIA STIMAMI STERILISAMI'S WEBSITE & SAVE UP TO 45% OFF YOUR PET'S STERILIZATION COSTS PLUS GET A FREE MICROCHIP!

45% OFF

FREE MICROCHIP

Caitlin Clark cerando acuerdo lucrativo cu Nike pa sapato exclusivo



CAITLIN Clark, e strea di basketball femenino, ta na punto di sigura un acuerdo innovativo di sponsoring cu Nike cu ta inclui creacion di su propio sapato caracteristico. Segun reportahe di Shams Charania di The Athletic, e acuerdo lo tin un balor di ocho cifra, marcando un paso significativo den Clark su carera.

Mientras cu no a revela detaye financiero specifico, e acuerdo reporta cu Nike ta supera Clark su contract di Rookie den WNBA cu Indiana Fever, cu ta balora na \$338,056 pa cuatro año. Como nobato, Clark ta programa pa gana un salario basico di \$76,535, cual ta e salario negosha y determina colectivamente pa tur nobato den WNBA.

Clark su potencial pa sigura un acuerdo di sponsoring asina

lucrativo ta debi na su ascenso meteórico den e mundo di basketball. Como hungado destaca na Universidad di Iowa, el a ricibi elogio pa su talento excepcional, cu a hiba su ekipo na weganan consecutivo di campeonato nacional y a bira e scorer di basketball universitario di mas halto di tur tempo.

Su exito den cancha a resulta den reconocimiento pafo di e cancha, mirando e record den rating genera p'e weganan televisa den cual ta figur'e. E draft di WNBA, unda Clark a ser selecta como e seleccion number 1 pa The Fever, a solidifica ainda mas su status como atleta comercial cu un potencial inmenso.

E guera di oferta cu a wordo raporta entre e marcanan di paña deportivo principal, incluyendo Adidas y Under Armour, ta enfatisa e balor atribui n'e sosten di Clark. A pesar di ofertanan competitivo, Clark ta parse di ta kedando cla pa alinia cu Nike, un decision supuestamente influencia pa super strea di NBA Stephen Curry, cu tabata involvi den e proceso di negociacion.

Ademas di Nike, Clark ya tin acuerdo di sponsoring cu marcanan prominente manera Panini, Gatorade y State Farm. E asociacionnan aki, hunto cu su acuerdo inminente cu Nike, ta señala un futuro lucrativo p'e talentoso atleta hoben tanto paden como pafo di e cancha di basket.

Mientras Clark ta preparando pa embarca den su carera profesional di basketball den WNBA, su acuerdo di sponsoring anticipa cu Nike ta representa un paso significativo y ta enfatisa su status como un di e talentonan mas prometedor den e deporte.

MENSAHE DI DIA
19 april, 2024

AMITA

Empodera pa rechasa
tur energia negativo
cu ta stroba mi.



e Poder
den Mi

📷 📺 e Poder den Mi

Pa hunga hunto cu su yiu

E leyenda di futbol Brasileiro

Romario ta bolbe cancha cu 58 aña



E ex-strea di futbol Brasileiro Romario, reconoci pa su ilustre carera cu ta inclui gana e Copa mundial di 1994, a bolbe sorprendentemente riba tereno di wega na edad di 58 aña. Romario, kende actualmente ta sirbi como presidente di America Football Club cu cede na Rio de Janeiro, a registra pa hunga den e club hunto cu su yiu, Romarinho.

A pesar di su edad avansa, Romario a expresa su deseo di participa den weganan selecta hunto cu su yiu, mustrandó su pasion duradero p'e deporte. Aunke el a aclara cu e no lo competi den e weganan di liga, su decision a capta atencion di fanaticonan di futbol rond mundo.

Romario su carera legendario a cuminsa na 1985 ora el a cuminsa hunga na Vasco de Gama, marcando e comienso di un carera remarcabel den futbol. El a disfruta di temporada exitoso den clubnan di renombre manera PSV na Hulanda y Barcelona na Spaña, unda su talento excepcional y su habilidad pa marca gol a gana un reconocimiento general.

Ora el a retira for di futbol profesional na 2009, Romario a colga su sapatonan despues di un carera di hopi elogio y logro. Ta bon pa menciona cu el a hunga su ultimo partido cu America FC, e mesun club unda tambe su tata, Edevair, a hunga.

Despues di su retiro for di e competencia activo, Romario a drenta politica y a wordo eligi como senador pa Rio de Janeiro na 2014, cual a suma na su carera di logro. Durante su carera, Romario a mostra su habilidad di score, anotando e cantidad impresionante di 55 gol den 70 aparicion cu e seleccion Brasileiro. Su actuacion destaca durante Copa Mundial di 1994, unda el a hunga un rol fundamental den e triunfo di Brasil, el a gana e prestigioso premio di Hungado di AÑA di FIFA.

Awor, mientras cu e ta preparando pa bolbe campo hunto cu su yiu Romarinho, e regreso di Romario ta simbolisa su amor duradero pa wega y ta sirbi como testimonio di su legado duradero den futbol Brasileiro.

FARANDULA


Fanaticonan di Taylor Swift emociona cu lek di su album 'Tortured Poets Department'



FANATICONAN di Taylor Swift, conoci como 'Swifties', a yena cu emocion y un toke di frenesia pa presunto lekmento di nan siguiente album, "The Tortured Poets Department", programa pa sali awe diabierna. Rumornan ta, cu ta trata di fragmentonan di e album. E filtracionnan aki, supuestamente via un link di Google Drive. y ta contene 17 track, a dividi fanaticonan tocante nan autenticidad, y algun ta specula cu nan por a wordo genera door di AI. Sinembargo, hopi Swifties leal ta urgi otro pa respeta e trabou di Taylor y evita di divulga e filtracionnan. E titulo di e album, revela door di Swift mes na Grammy Awards 2024, ta parce di ta referi na su ex, Joe Alwyn, y n'e texto grupal di su amigonan, "The Tortured Man Club." cu pista criptico y avance lansa riba un instalacion di Spotify na Los Angeles, E anticipacion pa e di diesun album di Swift ta na su punto mas halto di tur tempo.

"Cien años de soledad":

Prome trailer di e serie di Netflix basa riba e novela di Gabriel García Márquez



NETFLIX ta dunando bida na e obra maestro di Gabriel García Márquez, "Cien años de soledad", cu un serie di 16 episodio. Despues di cinco año di anticipacion, fanaticonan finalmente por mira e magia den e trailer nobo.

Dirigi pa Laura Mora y Alex

García López, e serie ta priminti di capta e esencia di e novela icono di García Márquez, danki na su filmacion completo na Spaño y ta tuma luga na Colombia, cu apoyo di e famia di e autor.

E trailer ta tenta fanaticonan cu e bos di Aureliano Babilonia, interpreta pa Claudio Cataño, desentrañando e misterionan di e diario di Melquiades. For di eynan nos ta wordo transporta pa Macondo, presenciando e biahe di José Arcadio Buendía y Úrsula Iguarán.

Cu un elenco strea cu ta inclui Marco González, Susana Morales y Moreno Borja, e adaptacion aki ta destina pa ta un biahe magico door di generacionnan marca pa amor, locura y e maldicion inminente di cien año di soledad.

Osmel Sousa ta uni cu Miss Universo como consehero presidencial



DEN un movecion deslumbrante, Osmel Sousa, conocí cu cariño como e "zar di beyesa", a presenta su ultimo papel den e e Organizacion Miss Universo. Riba Instagram, Sousa a comparti hopi emociona, su nombramento como Asesor di e Presidente pa e prestigioso concurso.

Cu un carera, consistiendo di mas cu tres decada, Sousa su experiencia riba tereno di competencia di beyesa no tin paralelo. Reconoci pa su mandato como Presidente di e Organizacion Miss Venezuela, unda el a orkesta e triunfo di e beyesa Venezolano riba e escenario mundial, Sousa ta aporta un gran experiencia den su cargo nobo.

Su carera for di e timon di Miss Venezuela pa su puesto actual di acesor na Miss Universo a ser ricibi cu entusiasmo tanto pa fanaticonan como pa expertonan di e industria. Cu Sousa su talento pa glamour y su wowo pa perfeccion, e competi-donan por spera nada menos cu un guia espectacular mientras nan ta prepara pa bria riba escenario di Miss Universo.

Pañanan di prinses Diana exhibi prome subasta



NA Hong Kong, varios di e pañanan di prinses Diana lo keda exhibi den e proximo simannan. Esaki ta inclui un set geel cu e princesa a bisti na 1989 durante un biahe pa e ex colonia Britanico.

E set aki ta un di e articulonan cu 'Julien's Auctions' lo bende

na subasta riba 27 di juni. E ganashi di e set geel aki, di e diseñador Catherine Walker ta ser estimá entre \$30,000 pa \$50,000. Asina mes esaki ta menos cu un paña blauw sin tirante y un paña di anochi diseña pa Victor Edelstein. Pa tur dos paña, e ganashi ta ser estimá entre \$200.000 y \$400.000. Ademá di e paña, e ta inclui acesorio manera cartera, sapato y sombre.

E coleccion por wordo mira durante un total di diesdos dia den un centro comercial na Hong Kong. Despues di Hong Kong, e pañanan lo ser exhibi na Irlanda.

Quentin Tarantino lo no haci 'The Movie Critic' mas como su ultimo pelicula



E di dies y ultimo pelicula di Quentin Tarantino, "The Movie Critic", ta tuma un turno inespera ora e director ta opta pa primi e boton di reinicio. Originalmente programa pa wordo protagonista pa Brad Pitt den su rol di Cliff Booth di "once upon a time in Hollywood", e proyecto, cu ta tuma luga na California na 1977, a keda archiva, resultando den consternacion cerca fanaticonan ansioso. A pesar di e preparacion inicial, incluyendo un filmacion na California, e cambio di opinion di Tarantino a laga e futuro di e pelicula den incertidumbre. Conoci pa su compromiso di bandona e industria riba un nivel halto, e decision di Tarantino ta refleha su dedicacion na preserva su filmografía stima. Mientras "The Movie Critic" por ta 'on hold', entusiastanan di Tarantino ainda por anticipa futuro aventuranan creativo di e director

icono, incluyendo posibel incursionnan den serie limita, obra teatral y novela.

E ultimo campaña di marketing di A24 pa su pelicula "Civil War" a causa hopi controversia!



MIENTRAS cu e posternan epico cu ta presenta escenanan post-apocaliptico den ciudadnan icono di Merca ta parece asombroso, tin un trampa: niun di e escenanan aki ta realmente den e pelicula! Algun fanatico ta grawata nan cabes, puntrando si nan a wordo bendi un fantasia en bes di un oferta real. Pa tira mas palo den candela, e imagennan a ser genera pa AI, generando algun detaye troci y contra-tiempo geografico. Pero no tene miedo! Un fuente cercano n'e pelicula ta sigura nos cu e imagennan aki ta solamente un forma creativo pa explora e posibel scenarionan di e pelicula. A pesar di e rumor, "Civil War" ta batiendo record na box office, demostrando cu hasta controversia no por stop un exito di box office!


Ashanti aa Anuncia cu e ta na estado y ta comprometi cu Nelly



ASHANTI y Nelly ta agregando un capitulo nobo na nan historia di amor cu un paquete di goso na caminda! Despues di reanuda nan relacion romantico na 2023, e pareha a anuncia nan compromiso hunto cu Ashanti su embarazo. E cantante a comparti e noticia emocionante aki via un video di Instagram, insinuando e trayecto di nueve luna nan dilanti. Esaki lo bira e prome yiu di Ashanti y di cinco pa Nelly, famia ta crece!

Minister Glenbert Croes

Su maneho laboral y di integracion ta dunando su fruto



DURANTE e mandatario su disertacion den parlamento diamars ultimo, Minister Croes a elabora extensamente riba e adelanto y mehoracion cu DIMAS a bin ta conociendo.

DIMAS:

A pesar di a acepta cu ainda DIMAS no ta unda cu e mester ta, DIMAS a bin ta conoce un adelanto y mehoracion alentador. Y pa esaki e ta reconoce y gradici tur trahado di DIMAS sin excepcion.

Minister Glenbert Croes a entrega un reportahe amplio na Parlamento den cual a keda demostra cu cifra y datos, con e servicio y proceso di tur servicio na DIMAS a bin ta mehorando, cual reportahe nos ta comparti cu pueblo di Aruba.

Minister Glenbert Croes ta e unico mandatario cu despues di 16 pa 18 aña, kier pa DRH y IND Hulanda reorganisa DIMAS contrario na AVP cu pa 8 aña largo a uza DIMAS pa negoshi di permiso.

INTEGRACION:

Un Aruba cu su turismo floreciente mester di su departamentonan funcionando optimalmente pa no obstaculisa ni tranca desaroyo economico di nos Pais.

Pero cu asombro Minister Glenbert Croes a tuma nota con e dos ex ministernan esta Sevinger y Lopez Tromp, condena pa negoshi di tereno y mrs real estate, awe kier crea duda den integridad di su persona. Pero p'e mandatario esaki ta comproba cu su maneho ta dunando resultado.

Cifra di desempleo nunca antes bisto:

For di 2017 cu Glenbert Croes tin e cartera di Labor, el a anuncia cu su maneho ta: nos yiunan di tera ta na prome luga. Na 2017 ora el a bira Minister di Labor el a haya desempleo na 8.9% (AVP). El a percura cu man firme duna nos yiunan di tera prioridad y danki na e maneho aki cu na 2018 desempleo a baha na 7.3%.

Na 2019 e tasa di desempleo a baha te na 5.2%. Si no tabata pa COVID cu a bati na nos porta na 2020, desempleo lo a sigui baha. Pues e maneho di nos yiunan di tera prome, a duna su fruto. Na 2021 un biaha mas Minister ta haya e cartera di Labor y e biaha aki combina cu Integracion.

Na 2021 pa via di pandemia desempleo a subi te na 8.8%. Pero ya pa 2022 el a baha na un nivel nunca antes visto esta 4.3%. Tur indicadornan ta duna cu e lo sigui baha den 2023.

Desempleo durante Gobierno di AVP

Pa compara, tempo cu AVP tabata den Gobierno, desempleo na 2010 tabata na 10.6% demostrando con e negoshi di permiso di AVP a perhudica nos yiunan di tera.

Esaki ta demostra claramente cu e maneho di Glenbert Croes cu nos yiunan di tera ta na prome luga, ta dunando su fruto. Hasta desempleo bou di hobennan a baha. Y pa e cuponan di trabou cu localmente no por abastecer, e mandatario ta percurando pa un integracion responsabel cu stranheronan cu ya ta na Aruba, cu a drenta Aruba legalmente, sin antecedencia penal, por yena e cuponan cu ta habri ainda.

Parlamentario Shailiny Tromp-Lee:

Reunion pidi pa MAS y AVP pa trata maneho di admision a resulta den puro show y un falta di seriedad



DIA 16 di April 2024 a tuma luga un reunion publico yama pa Presidente di Parlamento pa trata maneho di admision cu ta cay bou di Minister Glenbert Croes. E reunion a keda pidi pa Fraccion di MAS y AVP. Ya na inicio di e reunion, manera por a spera, a bira obvio cu ta puro wega politico ta tumando luga y sin cu en berdad kier debati, haci pregunta of pidi informacion. Oportunidad concreto minister no tabata tin pa contesta of splica. Ya den prome tanda Fraccion di MAS a sali presenta un mocion di desconfiansa. Ya nan tabatin nan decision tuma di prome cu nan a drenta e reunion.

Oposicion kier laga aparenta cu a dura mas cu 1 aña pa minister a bin duna cuenta encuanto su maneho di admision. Esaki sigur no ta cuadra cu realidad. Nan petition pa reunion fecha 15 di februari 2023 a keda debidamente atendi pa Presidente di Parlamento. Mester bisa si cu contrario na nan petition Presidente a yama un encuentro publico caminda debidamente Minister Croes a bin pa trata e maneho di admision dia 27 di juni 2023. Ta bon pa pueblo sa cu e Presidente di Parlamento tin tur derecho di dicidi si e ta honra un petition di un parlamentario(nan) y tambe ki tipo di reunion e ta yama. Semper tabata asina y sigur e firman-tenan di e petition sa esaki bon bon, mirando cu 2 di nan tabata Presidente di Parlamento. Echo ta cu un reunion a tuma luga dia 27 di juni 2023 cu e topico specifico cu ambos Fraccion a pidi pe, esta pa trata maneho di admision. Tambe nan ta cuestiona Minister Glenbert Croes cu e no a reaccionar riba nan petition pa reunion y no a bin responsabilisa. Otro wega mas, malinformando pueblo, pasobra e unico persona cu por yama un reunion publico den Parlamento ta

Presidente di Parlamento y no un minister.

Otro aspecto cu pueblo mester tene cuenta cu ne ta cu na December 2023 a trata presupuesto 2024 y na e momento aki tambe nos como parlamentario tin cu analisa y aproba e maneho di cada ministerio, dus tambe e maneho di admision. Mayoria di pregunta of tema di preocupacion a keda atendi debidamente durante e reunionnan aki.

Mester señala tambe cu tur loke cu nan ta uza como motibo pa a presenta e mocion di desconfiansa dia 16 di April 2024 contra minister tabata existi e tempo ey caba y minister a duna splicacion y informacion debidamente. Pakico hunga rol y insinua cu minister no kier duna cuenta, y cu e no ta transparente? Miho lo ta si bo bisa cu bo no ta di acuerdo cu e maneho despues di a ricibi splicacion of contestacion of cu esaki no tabata suficiente of satisfactorio. A keda duideljk cu ta un show completo e reunion tabata accentuando un falta di seriedad total y sigur na ningun momento a aporta na mehoracion of sugerencia berdadero pa cambio.



Buscando un trabou of un carera nobo?

Wind Creek Aruba ta warda bo na nan 'Job Fair'



WIND Creek Aruba e empresario preferi na Aruba tin e honor di presenta un "Job Fair" diamars, 23 di April 2024, for di 9:00 AM te 8:00 PM na Renaissance Convention Center. E feria aki tin como meta pa conecta cu personanan en busca di empleo y ofrece oportunidad nan nobo den e area hotelero cual Wind Creek Aruba ta reconoci pe.

E "Job Fair" lo tin diferente boothnan p'asina por asisti tur persona, sigurando un experiencia productivo y informativo. Lo conta cu 6 diferente booth representando diferente departamento cual tin e demanda di mas grandi pa empleo manera housekeeping, culinario, front desk/DTS, engineering, spa, casino, y Starbucks.

Lo tin un area di educacion y desaroyo: Akinan lo ofrece guia riba preparacion pa un entrevista di trabou, incluyendo conseho di vestuario, preguntanan y contestanan cu por wordo spera durante un entrevista pa trabou.

Asistencia cu resume, esta un CV: Profesionalnan lo ta disponibel pa yuda candidatonan den actualisacion di nan resume uzando programanan facil cu ta disponibel via un computer.

Area dedica pa aplicacion: Akinan candidatonan por aplica

di biaha y por pasa door di un screening inmediato.

Entrevista na sitio of por medio di un afspraak: Candidatonan cualifica lo tin oportunidad pa un entrevista di empleo na sitio of por schedule esaki p'e siguiente siman, basa riba e resultado di e screening inicial.

Wind Creek Aruba ta invita comunidad en busca di un trabou pa bin prepara cu nan resume y documentonan necesario, manera un ID valido y permiso di trabou.

Si un persona aplica durante e dia di "Job Fair", esta diamars 23 di April y wordo emplea di biaha y pasa e periodo di probation di dos luna, lo tin un chens pa gana un biahe pa Curaçao, incluyendo ticket di avion, estadia na Renaissance Wind Creek Curacao y un voucher pa cover cuminda & bebida.

E "Job Fair" aki un biaha mas ta demostra e compromiso di Wind Creek Aruba pa sostene e comunidad local door di ofrece oportunidadnan di trabou na Wind Creek Aruba. Pasa libremente y explora oportunidadnan interesante pa un carera exitoso cu Wind Creek Aruba

Pa mas informacion por bishita nos pagina di Facebook: <https://fb.me/e/7yi3ESYrX>

Prome Minister a reuni cu San Nicolas Business Association

Un di e prioridadnan di Gabinete Wever-Croes ta pa trece desaroyo den San Nicolas

MANERA a wordo menciona na varios ocasion, un di e prioridadnan di Gabinete Wever-Croes ta pa trece estabilidad y progreso den San Nicolas. Pa por logra yega na cumpli cu e deseo di esnan cu ta biba eyan, Prome Minister Evelyn Wever-Croes ta reuni regularmente cu San Nicolas Business Association (SNBA), p'asina haya un idea di kico ta loke en berdad e barrio di San Nicolas ta desea.

E ultimo reunion cu Prome Minister tabata tin cu SNBA tabata siman pasa, na unda el a sinta cu presidente di SNBA, señor Errol de Freitas pa combersa riba varios tema importante cu tin andando pa San Nicolas. Durante e reunion a cubri e tema di e desaroyo den caya grandi di San Nicolas, e trabounan di embeyecemento cu DOW lo cuminsa pronto cu nan, y e status di hotel Secrets.

Tambe a toca e tema di inseguridad den trafico na Seroe Colorado, caminda hendenan ta core auto irresponsabel,



causando varios accidente cu den pasado hasta a cobra bida di varios ciudadano. Esaki ta un tema hopi importante cu ya caba tin atencion di Minister di Husticia, cu ta trahando na pone “verkeersdrempel” pa purba mitiga e problema.

“E tabata un reunion positivo, na unda a combersa riba tur e desaroyonan cu ta premira pa centro di San Nicolas, y caminda cu hunto cu SNBA lo dialoga pa yega n’e miho forma pa ehecuta nan. Mi lo sigui reuni riba un base continuo cu SNBA, p’asina hunto nos por logra cosnan grandi pa San Nicolas”, Prome Minister a expresa.





PASEO HERENCIA

COMFORT, FOOD AND COCKTAILS



FOR SHOWTIMES AND ONLINE TICKETING:
WWW.CARIBBEANCINEMAS.COM

 **787-999-3292**

 @caribbeancinemasaruba

 Caribbean Cinemas Aruba

DOWNLOAD OUR APP





WEB Aruba y Seven Seas Water Group a firma un acuerdo pa construi e di tres planta SWRO-3

DIARANSON ultimo dia 17 di april, Prome Minister Evelyn Wever-Croes a presencia e firmamento di un contract hopi importante cu WEB a cera pa construi e di tres planta di Reverse Osmosis (purificacion di awa), e asina yama SWRO-3.

CEO-nan di WEB Aruba y Seven Seas Water Group (SSWG), un proveedor multinacional di 'Water-as-a-Service (WaaS) solutions', den presencia di Prome Minister, a firma un acuerdo Build-Own-Operate-Transfer (BOOT) cu un termino di traspaso di 10 año. Seven Seas Water (Aruba) VBA lo construi un planta di SeaWater Reverse Osmosis ("SWRO") cual lo contribui cu un minimo di 16.500m³ di awa potabel pa dia.

E planta nobo (SWRO-3) lo ta parti di WEB su plan di termino largo y su Water Road Map pa satisfice demanda continuo di awa, manteniendo suministroo confiabel. E planta nobo lo reemplaza e actual facilidad temporal di produccion di awa. E planta nobo lo wordo construi riba tereno existente di WEB y ta planea pa cuminsa opera na mita di 2026. E proyecto aki ta representa un logro grandi pa WEB y pa Aruba ya cu esaki lo optimalisa significativamente WEB su capacidad di produccion di awa sigurando cu por satisfice e demanda di awa di bebe di calidad na nos ciudadanonan y bishitantenan.

Por yega na baha e prijs di awa mirando cu e planta nobo lo depende menos di e heavy fuel oil. Prome Minister a enfatisa cu e proyecto aki lo hiba Aruba den un direccion mas sostenibel y por garantisa suficiente awa pa nos isla. Esaki lo aumenta e confiansa den e planta y tambe por yega na baha e prijs di awa mirando cu e planta nobo lo depende menos di e heavy fuel oil cual tin un costo halto.

"Den nomber di Gobierno di Aruba mi ta felicita tur esnan cu a logra esaki. Danki na tur cu a haci e vision aki un realidad. Manera mi a bisa nan cu e firmamento aki, no solamente ta pensa den presente, sino e ta un enfoke riba futuro di nos yiunan y nan yiunan. Cu proyectonan asina nos por garantisa cu semper nos lo tin awa di bon calidad, awa pagabel y cu por confia riba dje. Un pabien na WEB", Prome minister a expresa.



Aruba Bank a uniforma tur participante cu a forma parti di e tayer di Fundacion Lead by Design



ARUBA Bank a patrocina Fundacion Lead by Design den nan tayer pa yuda hobennan desaroya como individuonan cu ta capaz di prospera den tur aspecto di nan bida.

Durante e tayer dirigi na hobennan entre 16 y 18 aña di edad, un grupo di maximo 20 hoben a bin hunto pa participa den un programa di 14 sesion.

E sesionnan a cubri topiconan manera salud fisico, biene-

star emocional, conexionnan social, crecimiento academico y intelectual, bienestar financiero como tambe carera & entrepreneurship.

Un bunita iniciativa di Fundacion Lead by Design cu alabes ta aporta na Aruba Bank su pilarnan strategico “We Care” y “We Build”.

Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lónico

Masaje Reductor

Masajes reductores contiene:

- Aparatologia Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

+297-740-5235
 Ubicación bajo demanda

Minister Geoffrey Wever presente na clausura exitoso di Arubaverse 2.0 na San Nicolas



CU gran orguyo Minister Geoffrey Wever tabata presente na e clausura exitoso di e di dos (2) edicion di Arubaverse - Arubaverse 2.0. Esaki ta un iniciativa lidera pa Exprodesk di DEACI, cu a tuma luga den e curason di San Nicolas, na The Hub. E serie di tayer a logra captura y mantene un nivel di interes impresionante entre e participantenan pa ful e temporada. Esaki ta resalta e sed di conocimiento den e topiconan di adaptacion di tecnologia digital y financiero.

Conocemento ta iguala “empowerment”, y p’esey despues di e prome edicion exitoso di Arubaverse na Oranjestad, a dicidi di organisa tur e tayernan di Arubaverse 2.0 na San Nicolas pa ta mas accesibel pa personanan pariba di brug tambe cera conoci cu tur e ultimo desaroyonan digital y economico.

Minister Wever a reafirma e balor di iniciativanan educativo den promove desaroyo personal y profesional pa un desaroyo economico saludabel y sostenibel, y ta contento cu por a host e tayernan na San Nicolas como un esfuerzo “on-going” pa plania y ehecuta revitalisacion den e ciudad cultural.

Arubaverse su serienan di tayer no ta solamente pa educa, pero tambe inspira un dialogo productivo rond di e oportunidadnan y retonan den e mundo digital moderno. E interes y entusiasmo demostra pa e participantenan ta un refleho di e importancia di educa y desaroya e comunidad su abilidadnan y conocimiento, brindando hermentnan critico pa navega e mercadonan financiero global.



Minister Geoffrey Wever ta aplaudi e colaboracion cu a contribui na un ambiente dinamico y interactivo. Un danki na Sra. Sharon Meijer di Exprodesk (DEACI) y tambe na Sr. Bruce Harms di Full Stack Foundation kende a modera e serie tayernan, cual a cubri topiconan manera Artificial Intelligence, Cryptocurrency, Blockchain, User Experience (UX), Innovation, Machine Learning, Web 3.0 y mas.

Minister Geoffrey Wever ta remarca “e entusiasmo cu nos a mira ta un indicacion claro cu nos ta moviendo den direccion corecto”, mencionando cu “San Nicolas no solamente a host e evento, pero tambe a demostra di por bira un pilar di fortaleza y progreso economico, den e rumbo pa un futuro mas sabi, informa y capacita pa nos isla.”

Aruba Première:

Documentario “I can’t be Moe” – Alice van Romondt

Rebecca Roos Productions

DIABIERNA awor, dia 19 di april, lo estrena e ultimo documentario largo metrahe di Rebecca Roos na Cas di Cultura. Den e documentario “I CAN’T BE MOE” ta sigui e persona Alice Van Romondt cu den e mundo di arte na Aruba, pero tambe den henter Caribe Hulandes, ta un persona hopi influencial. E mes no ta artista pero e ta inspira y encurasha hopi persona masha diverso pa sigui cu proyectonan di literatura, musica, arte plastico, teatro y kico cu ta, cu ta cay bao di arte of proyectonan social.

E documentario aki a forma parti di e di 10 edicion di e prestigioso Curaçao International Film Festival. Cas di Cultura ta considera e “Aruba Première” un honor grandi, mirando e gran sosten cu Alice van Romondt semper a brinda na e teatro y plataforma cultural.

Segun Lotte van den Heuvel, cu ta encarga cu e departamento di Programacion y Educacion na Cas di Cultura; “*Alice merece e atencion aki y hopi mas, e ta un persona cu a haci asina hopi pa nos y pa e mundo artistico y cultura di Aruba*”.

Prome cu e estreno lo tin e oportunidad unico pa wak un exposicion di un parti di Alice su coleccion priva di arte den e sala di expo di Cas di Cultura for di 6:30 PM na unda e “*filmmaker y subject*” mes lo ta presente tambe. E documentario mes lo cuminsa pa 8:00 PM y kaarchi ta disponibel na Plaza Bookshop, Van Dorp, Museo Arqueologico y na Cas di Cultura mes.

Rebecca Roos ta conta cu originalmente e idea tawata pa sigui Alice pa 6 luna, den cua tawata tin un agenda hopi yen di evento na Aruba y den exterior. Asina lo a duna un bista completo di e



“*fenomeno cu ta Alice van Romondt*”. Pero net prome cu lo a cuminsa filma, COVID a dal cera mundo. Asina ta cu al fin al cabo mester a haci algun cambio, y a sigui Alice pa dos aña entre 2020 y 2022.

Sin e apoyo y comprension di e co-financiadornan UNOCA y Prins Bernhard Cultuur Fonds Caribisch Gebied, y e sponsornan Subway, AIB, Café the Plaza, Romar, O4IA y Lionsdive

Beach Resort Curaçao, y co-producer Jonathan Vieira e documentario aki no lo tawata posibel.

Aunke cu e proyecto a encontra hopi reto unico, Rebecca Roos a keda contento cu e resultado final den cua no unicamente ta haya un potret di un persona dinamico y cu ta inspira, pero via di dje y su actividadnan tambe di e industria creativo na Aruba y den Caribe Hulandes completo.

Xamarah Anthonij ta Vi-Reina Mini Model World 2024 na Republica Dominicana



DESPUES di un siman di actividad, diadomingo ultimo a cera conoci cu e ganadonan di Mini World 2024 na Republica Dominicana.

Cas Princesa Aruba tawata representa pa dos Reina cu tawata Xamarah Anthonij, como Mini Model y Samantha Romero den e categoria Pre-Teen.

Na final a anuncia e ganadonan y den 35 candidata den nan categoria, Aruba a demostra di ta bon disciplina y bon prepara cu Samantha. Como prome finalista di Mini World a keda Xamarah Anthonij. E ganado tawata representante di Peru.

Cas Princesa Aruba ta felicita Xamarah y Samantha como cu nan a haci bon papel representando Aruba dignamente. Tambe ta gradici Prensa di Aruba, tur mayor, amigonan y tur cu a haci nan participacion posibel. Danki pa tur cooperacion y sosten ricibi, entre otro, na tur fundraising di Cas Princesa Aruba, Allan Kock, Verena Lian, mayornan di tur dos reina, Roberto Avalo y Jessica Anthonij.

Nos a logra otro meta importante pa nos pais! Sigui nos riba FB of Instagram di Cas Princesa Aruba.



Parlamentario Shailiny Tromp-Lee:

Abuso di mucha ta un problema cu hunto nos tin cu soluciona y traha riba prevencion ta esencial

COMO pais nos mester sigui concentra mas y mas na prevencion. Ultimo tempo nos por a tuma nota cu atrobe ta lanta e deseo di sociedad pa castigonan mas pisa pa abuso di mucha. Castigonan cu na 2020 ya a keda aumenta. Porta esnan cu ta indica of pidi pa esaki a lubida of no a tuma nota di e aumentonan cu ya a tuma luga.

Prevencion ta cuminsa na cas

Emocionalmente castigo halto of pisa por duna nos un sentido di satisfaccion cu husticia a prevalece. Pero realidad ta, cu nos no a resolve e problema na su rais. Nos problemanan social ta hopi mas profundo cu nos ta pensa y dificilmente por garantisa 100% di proteccion.

P'esey mes mi ta convenci cu tur cos ta cuminsa na cas, como mayor nos mester ta mas atento y alerta pa cu e comportacion y/of señalnan di nos yiu y asumi nos responsabilidad di percura pa bo yiu(nan) semper ta den un ambiente di seguridad. Un estudio a demostra cu 99% di casonan di abuso sexual di mucha ta wordo cometi door di un miembro di famia of un conocir (e abusado). Prevencion ta den nos propio man y akinan e rol di Gobierno y e profesionalnan ta minimo.

Parlamento, Gobierno y profesionalnan a bin ta tuma hopi accion y pasonan den e ultimo 7 año riba diferente tereno: leyman (castigonan) y proceduranan a bin na vigor of wordo mehora/aumenta, departamentonan a wordo institui, departamentonan mester traha den un forma integral cu otro, diferente training y curso a wordo duna y tambe (t)a traha(ndo) hopi riba e tereno di prevencion, educacion y cuido di victima.

Abuso number 1 na Aruba: negligencia di mucha!

Mi ta sostene tur e bosnan cu ta sali pa pone un stop na abuso di mucha, pa nos tur sigui para hunto y pone un stop na e abuso number 1 di mucha na Aruba cu ta: negligencia!

Y aki ta cada un di nos como mayor tin cu carga nos responsabilidad. No ta tarea di Gobierno of Parlamento so pa traha pa stop abuso di mucha. Negligencia tambe ta traumatico pa e mucha y ta limite den su desaroyo y ta strob'e pa ta feliz. Nos mester bira mas consciente di tur e consecuencianan cu cualkier tipo di abuso di mucha tin riba e bida completo di nos muchanan.

Educacion y conscientisacion ta esencial cerca nos muchanan
Parti esencial di prevencion mester ta educacion y empodera-

cion di nos muchanan. Nos mester sigui educa intensivamente nos muchanan mas habri y dirigi tocante nan salud sexual, abuso di mucha y haci esakinan 'bepreekbaar' for di chikito na cas, na scol y den comunidad. Pesey mi ta sostene proyectonan escolar cu tin caba riba e tereno aki y tambe e campaña nacional Mi Mesun Heroe cu Gobierno a lansa na 2022. Mi Mesun Heroe ta un campaña nacional contra di abuso di mucha den forma di un serie cu 52 episodio y tambe tin diferente cancion y videoclips traha riba e topico. Un campaña pa empodera y conscientisa nos mucha y hobennan.

Algun proyecto di prevencion di abuso di mucha

Otro proyectonan cu Gobierno a bin cu nan riba e tereno di prevencion ta entre otro eCodigo di Proteccion cu a wordo aproba na 2019 y a drenta na vigor na 2021. Codigo di Proteccion ta un sistema di proteccion di 5 paso pa e profesionalnan (riba tereno hudicial, social, salubridad y enseñansa) aplica na momento cu tin sospecho di abuso di mucha di 0 te 18 año (<https://www.codigodiproteccion.com/>).

Tambe desde 2019 ta ofrece e training di Signs of Safety. Via e training aki a leid op tur persona cu ta traha cu mucha den e cadena social, hudicial, enseñansa y salubridad pa asina e persona por reconoce y bay om (tecnicanan) cu un caso di abuso di mucha y tambe con y unda pa raporta esaki. Alabes por menciona cu Gobierno a introduci Intervencion Trempan (DMH) cu ta un sistema cu ta brinda apoyo, sosten y guia na tanto e Centro di Cuido di Mucha, e mucha cu necesidad special como tambe e mayornan, ora ta señala un necesidad special cerca e muchanan, cu ta atende un Centro di Cuido di Mucha.

Esakinan sigur ta ehempelnan cu Gobierno ta tuma e pasonan necesario pa traha riba prevencion di abuso di mucha. Pero tambe mester subraya cu a percura tambe cu si abuso a tuma luga e cuido di e victima bay mas miho posibel, pa entre otro e investigacion ta mas completo posibel (por ehempel raporta corectamente, compila pruebanan na tempo y segun procedura, interroga haciendo e preguntanan corecto) pa asina hues por castiga e abusado cu un sentencia mas pisa. Cu otro palabra simultaneamente a bin ta traha riba diferente tereno y aspecto.

Abuso di mucha ta un problema cu hunto nos tin cu soluciona. E ta cuminsa cu responsabilidad, ta keda na cada un di nos pa asumi nos responsabilidad y haci tur loke ta necesario pa para y preveni abuso di mucha.

Fortaleza pa Famia

Desconfiansa y mal pensamento ta dañá tur relacion

LOCUAL un hende permiti drenta su mente ta domina y determina su bida.

*Tin hopi relacion (noviazgo) ta colga na un hilo pa motibo di desconfiansa y mal pensamento.

*Cuanto matrimonio no ta den kibra pa motibo di mal pensamento y desconfiansa.

*Cuanto hende su trabao no ta na peliger pa motibo di desconfiansa y mal pensamiento.

*Cuanto hende no a perde nan puesto den cualkier organizacion pa motibo di desconfiansa,

*Hopi hende ta keda sin haya trabao pa motibo di nan propio mal pensamiento y desconfiansa.

*Cuanto hende no a bandona nan famia (esposa y yiunan) pa motibo di desconfiansa y mal pensamiento.

E enemigo di nos alma cual ta e diabel ta e campeón di trece mal pensamiento, y desconfiansa den tur relacion, sea ta matrimonial, spiritual, famia, laboral, etc, pasobra e ta enemigo di union.

E palabra di Dios ta splica nos hopi cla den Filipensenan 4:8 bisando: Finalmente, rumannan, tur loke ta berdadero, tur loke ta honorabel, tur loke ta husto, tur loke ta puro, tur loke ta bunita, tur loke ta di bon fama, si tin algun virtud, y si tin algo digno di alabansa, laga esakinan ocupa boso mente.

No ta pornada e palabra di Dios ta siña nos y recorda, nos, pasobra den Romanonan 12:2 e palabra di Dios ta bisa: No sea conforme e mundo aki, ma sea transforma pa medio di e renobamento di boso mente, pa boso por comproba kico ta e bon, y agradabel y perfecto boluntad di Dios.

Cu hopi tristesa nos por mira hende cu no kier reconoce Dios, ta permiti e enemigo horta nan identidad, trastorna nan bida, produci humildad y felicidad falso y asina mantene nan den mundo di scuridad.

Tin cierto cosnan cu hende ta papia tur dia manera: Mester droga, mester bebe, mester ta riba paranda cual hopi biaha no ta bay bon cu nan salud, ni trabao, tampoco famia, pero esey ta e pensamento cu ta biba den nan mente.

Tur pensamento malo y desconfiansa ta trece stress, y



depresion, ta causa di violencia, rabia y odio. Salud mental ta depende hopi di pensamento di hende, pasobra locual ta goberna bo mente ta dirigi bo bida.

Ta masha importante, y hende mester ta masha cauteloso, cerca ken nan ta tuma conseho. Especialmente den asunto nan di bruheria y miramento di carta, pasobra semper e prome conseho cu ta sali na esun negativo, den cual bo ta scucha un hende ta haci bo daño, of bo pareha ta gaña bo y riba esey desconfiansa ta cuminsa, y division ta drenta famia.

Sabiduria di Dios ta siña nos pa pone cos den oracion, specialmente ora nos tur ta na altura cu e enemigo ta contra famia y matrimonio, pa nos ta cuidadoso cu nos pensamento y evita desconfiansa, pasobra asina nos mes ta herida otro sin tin mester y cada herida den famia ta un porta habri pa e enemigo.

Laga nos no lubida locual e palabra di Dios ta siña nos:

Pasobra e armanan cu nos ta bataya cu ne, no ta carnal, ma poderoso den Dios, pa basha e fortinan abao, y pa destrui speculation y tur arogancia cu ta wordo lanta contra e conocimiento di Dios, hibando den cautiverio tur pensamiento, pa haci nan obedecido na Cristo (2 Corintionan 10:4-5).

Cada biaha ora un pensamiento crusa den nos mente, laga nos wak bon si locual cu nos ta pensa ta den boluntad di Dios, pasobra tur locual ta adulterio, inmoralidad, malisia y abominacion ta presenta como un pensamiento, y ta depende si nos ta acepte, of ta rechase den nomber di Cristo Hesus.

Sinceramente, Pastor Marcel Balootje

Despedida impresionante di Ben King

E siman aki a tuma na un manera impresionante despedida di Ben King, door di su famia, fellow K' di Kiwanis Club of Palm Beach, miembronan di e directiva di Neptali Henriquez Park, amigonan, ex-coleganan, bisiñanan y conocirnan.

Na 1992 Ben King, conoci como Ben Vocking te na 2004, a muda di Hulanda pa Aruba cu su famia riba peticion di gobierno di Aruba (na Hulanda) den cuadro di 'technische bijstand' pa e prizon nobo, esta KIA.

E la bin como consehero y dentro di tres luna e la keda nombra como director suplente. Aki e la traha cu 'cuerpo y alma' pa realisa e reorganizacion. Despues di 10 aña manehando KIA, el a haya oportunidad pa traha na Directie Openbare Orde en Veiligheid pa traha riba e tereno huridico di e sistema penitenciario. Lamentablemente, den su ultimo simannan di trabou na KIA, Ben a ser agredi pa un detenido ora e la bay participa un castigo n'e detenido. Ben a ser maltrata gravemente y a bay para te den Cuido Intensivo.

Despues di seis luna Ben a recupera suficiente p'e por a cuminsa traha bek. E procurador general di Ministerio Publico a pidi Ben pa traha cu nan. Ben a traha den e funcion di 'hoofd staf bureau'. Aki Ben a traha mas di dies aña, te ora e la baha cu pension na 2012.

Prome cu Ben King a bin Aruba na 1992 ya e tabatin un carera impresionante. E la cuminsa na 1966 como "adelborst" den e cuerpo di mariniers n'e 'Koninklijk Instituut voor de Marine' (KIM). Dentro di e korps e la sigui diferente estudio: commando en parachutisten opleiding, duikopleiding, opleiding tot Forward Aircontroller, opleiding tot Flightdeckofficer, un berg opleiding, un ski opleiding. E la traha den diferente funcion den diferente pais, manera Noruega, Malta, Sardinie, Merca y Azoren.

El a nabega pa diferente periodo y tabata staciona na Curaçao di 1976-1978. Na Curaçao el a fungi como comandante, polis militar y alabes ayudante suplente di gobernador na Fort Amsterdam.

E la bandona e korps na 1980 como 'Kapitein der mariniers' despues di un carera impresionante di 14 aña. Ben King a scoge despues pa traha den e sistema penitenciario. Ben a bira director adhunto di Huis van Bewaring de Schans y despues director di Huis van Bewaring De Weg.

Tur dos ta pertenece na Penitentiare Inrichting Over-Amstel. Den boca di pueblo conoci Bijlmerbajes den Amsterdam. Aki Ben a labora pa 12 aña.



Ben a dedica tur su tempo liber na su yiunan y nietonan. Tambe n'e muchanan di Aruba via di Kiwanis Club of Palm Beach y Neptali Henriquez Park. Manera e mes ta bisa "Aruba a bira su di dos patria si no t'e prome". E tabata tin un aprecio grandi p'e hendenan, e cultura y e naturalesa di Aruba. Di 2012 te 2024 e tabata miembro di directiva di Neptali Henriquez Park. El a fungi como presidente di e directiva aki pa mas di 10 aña. Bou di su maneho e park a bira un di e speeltuinnan di mas bunita den Caribe.

E tabata 23 aña miembro activo di Kiwanis Club of Palm Beach. E la fungi como secretario pa hopi aña y como presidente di 2013 pa 2014. Pa hopi aña el a dirigi e programa "Terrific Kids" di Kiwanis. Actualmente e programa ta activo na tres scol.

Ben tabata un miembro ferviente di e famia di Kiwanis. E tabata conoci pa su dedicacion pa trabou boluntario. Su aporte na Kiwanis Club of Palm Beach y e comunidad, tabata inmenso y lo laga un impacto permanente y lo ser sinti pa hopi aña. Su herencia di sinceridad, altruismo, modestia y resiliencia lo inspira hopi hende.

Cu Ben King sosega na pas.

Tres hende herida

Accidente basta pisa na Hooiberg




DIARANSON anochi, un poco pasa di 9'or, a tuma luga un accidente basta pisa na Hooiberg, lagando tres hende herida. Ta trata aki di un Hyundai Accent y un Mitsubishi Lancer cu a dal semi-frontal contra otro.

Polis, ambulance y un vehiculo di rescate di Cuerpo di Bombero a bay n'e sitio, mirando e echo cu tabatin hende pega den e auto.

E unidad di rescate di bombero a atende e situacion inmediatamente, sacando hende for di e auto. Mientrastanto e paramediconan n'e sitio a atende cu e heridonan.

A transporta nan pa hospital pa nan ricibi tratamento medico avansa. Daño material tabata considerabel.



Aurora
Royal Pray
Funeral Home & Crematory

Lagrima y floran por seca, su recuerdonan y tur loke ela hasi y significa pa nos, cu lo keda graba pa semper den nos mente y curazon.
"Cerca Dios mi alma ta na paz, ta di Dj'e mi salacion ta bin". - salmo 62:1

Cu honda pena pero conforme cu boluntad di Dios nos ta anuncia cu a bai sosega den reino di Señor:

Luicio Kock

*09-10-1947 - †18-04-2024

Acto di despedida lo tuma lugar **diamars 23 di april 2024** na Pray Funeral Home di 09:00 pa 11:00 di mainta.

Acto di cremacion ta tuma lugar den seno di famia.



Aurora
Royal Pray
Funeral Home & Crematory

"Ousente di e curpa y na cas serca senior"
2 corintionan 5:8

Cu dolor den nos curason nos ta anuncia fayecimento di :

David Oswald Gomes

*19 Oktober 1950 - †10 April 2024

Na number di su :

Mayornan d.f.m :

†John y †Esther Gomes

Rumannan:

Elizabeth Gomes

Anita Gomes

Johnny Gomes

Michael Gomes

Primo y primanan:

Fung-a-fat, de Nobrega y Spellen

Sobrino y sabrinanan:

Gomes

Su amistadnan di entercesonan di iglesia Seed of Life na San Nicolaas

Su bon amiga nan di años:

Myrna Vrolijk Illidge Miladis Quandt Maritza Siller

Acto di entierro lo tuma lugar **diabierna 19 di april 2024** na Pray Funeral Home di 2:00 pa 4:00 pm, despues lo sali pa Santana central na Sabana Basora.



Plachi pa graaf



Porcelana, granite of marble

- ✓ No ta cobra extra pa letter
- ✓ Servicio Rapido
- ✓ Installacion
- ✓ Material di Calidad
- ✓ Design

6990495



www.laycro.com



'Dios ta amor... y amor ta Dios,
maske mi no ta na mundo aki,
tur dia lo mi ta banda di boso Curazon'.

"Mi por stens di loke Dios ta haci"
Salmo 33

Cu dolor na nos curason, nos ta participa
fayecimento di nos ser stima:

Filomena Maria
Arends- Semeleer

Cariñosamente yama "Mena", "Mama Mena"
*05-10-1946 - †14-04-2024

Na number di:

Su mayoran den feliz memoria:
Prudencio Semeleer y Maria Antonia Semeleer-Croes

Su kerido esposo:
Pedro Arends

Su yiunan stima:
Gilbert Arends & Milka Vrolijk
Patrick Arends & Zuly Luidens

Su nietanan stima:
Zurainy Arends
Aixa Arends

Su bisanieto stima:
Khylian Suarez Chirinos

Su rumannan:
Dalmacio (Maiky) & Martha Semeleer-Alzate
†Catharina Isabella Semeleer
†Gilberto Semeleer

Su sobrinonan:
Roy Alexander Semeleer
Jaime Semeleer

Su swa y cuñanan:
Sra. Vda. Clarita Simileer-Arends y yiunan
†Sr. Juan Arends y yiunan
†Sra. Maria Kelly-Arends y yiunan
Sra. Theresita Arends y yiunan
Sr. Vicente Arends y yiunan
†Sra. Annie Blanco-Arends y yiunan

Su iha stima:
Dolorosa (Doke) Kelly-Ridderstaat y famia

Su ayudantenan y bon amiga:
Zr. Ita Ridderstaat y Theresita Arends

Su bon amiga di cas Sra. Margaritha Semeleer, demas
amistadnan di Grupo Kawara y tur Su bon bisiñanan.

Tur Su prima y primonan, comer y compernan, ex-
coleganan di San Pedro Hospitaal y dr. Horacio
Oduber Hospitaal.

Demas famianan:
Semeleer, Arends, Croes, Tromp, Vrolijk, Luidens,
Alzate, Blanco, Kelly, Ridderstaat, Figaroa, Flanegin,
Franken, Simileer, Faro, Winterdaal.

Nos ta pidi nos mas sincero disculpa si den nos tristeza
nos por a lubida number di algun famia, amigo of
conocer.

Acto di despedida lo tuma luga **diahuebs 18 di
April 2024** di 2'or pa 4' or di atardi na Aurora Funeral
Home. Despues di respons lo sali pa santana Catolico
na Noord.

Alavez ta pidi pa bin bisti na color alegre, door cu nos
defunto stima semper tabata un persona alegre.

Nos ta participa cu lamentablemente despues di
entiero di nos defunto stima nos no ta tuma bishita di
condolencia na cas.



"Señor ta mi wardador, mi no tin falta di nada.
Den cunucu di yerba berde e ta pone mi sosega.
E ta hiba mi na awa frankil, pa mi bolbe haña forsa."
Salmo 23: 1,2,3

Cu hopi dolor na nos curazon pero conforme cu Dios su
boluntad nos ta participa cu a fayece na Ocala Florida
nos esposa, mama, wela, ruman, cuña, tanta, sobrina,
prima y amiga stima

Ivy Marcia
Tang Yuk-Comenencia

*05-06-1963 – †01-03-2024

Tata: †Alejandro "Indio" Comenencia
Mama: †Adela Comenencia-Gomez

Esposo: Ryan Tang Yuk
Yiu: Ryan Gentle Tang Yuk y Paula Thrasher
Nieto stima: Ryan Ivan Tang Yuk

Yiunan di criansa: Sooling Tang Yuk
Rumico Tang Yuk

Nieta di criansa: Cabria de Chabert

Rumannan: †Gabriel "Peppy" y Alexandrina Comenencia-Blanco
Fanny y Legenhousen "Larry" Nyack-Comenencia
Judith y Frank Richardson-Comenencia
Beatriz "Beata" y Luis "Gino" de Cuba-Comenencia
Edwin "Papito" y Elvia Comenencia-Rodriguez
Aléjandro "Niño" y Glenda Comenencia-Albertsz
Maria "Mary" y Tirso Tromp-Comenencia
Manera ruman: Roy y Elaine Quandus-Geerman

Sobрино(a)nan: Sheldon y Marlin Nyack-Figaroa y famia
Ghislaine y Harold Grant-Comenencia y famia
Arthur y Gennilee Comenencia-Ras y famia
Franklin y Elsa Richardson-Rincones y famia
Aldrin y Maaike Comenencia-Los y famia
Javier "Derrick" Comenencia
Julienne y Joberf Reyes-Comenencia y famia
Rujina Comenencia y yiu
Lugina y Ervany Machado-de Cuba y famia
Gabriela Tromp y Andrew Croes

Omonan: Joaquin "Quincho" Comenencia y famia (Colombia)
Carlos "Calulo" Comenencia y famia

Tanta: Teresa Kock-Comenencia y famia

Suanan: †Kenrick Noel y famia
Mervin Tang Yuk y famia
Oswald Tang Yuk y famia
Vincent Tang Yuk y famia

Cuñanan: †Monica Beharry y famia
Linda Jerome y famia
Barbara Beharry y famia
†Jackie Tang Yuk
Patricia Tang Yuk

Primo(a)nan na: Aruba, Corsow, Colombia y Hulanda

Primanan stima: Jetzy de Koning-Bruges
Ederlinda Kock
Sonia Quandt-Gomez

Tur su amiga- y amigonan y amistadnan stima na Aruba y su
barrio Dakota, Ocala, St. Croix, Corsow y Hulanda

Demas famianan: Comenencia, Tang Yuk, Thrasher, Noel,
Beharry, Jerome, Blanco, Nyack, Richardson, de Cuba, Rodriguez,
Albertsz, Tromp, Kock, Violenus, Figaroa, Grant, Reyes, Ras,
Rincones, Los, Machado, Croes, Neuman, de Koning, Quandt,
Bitorina, Irwin, Ramharak, Beke, King, Jeroe, de la Cruz, Lisper,
Hodge, Castillo, Castillejo, Ras, Quandus, Porino, Franken,
Geerman, Herts, Dania, Tromp, Nuboe, Sneek, Steenen, Rafael,
Lake, Becker, Martis, Pablo, Schwengle.

Na corsow: Marlene Comenencia y rumannan y famia
Randy de Lannoy y famia
Famia Jacobus
Famia Curiel

Na Colombia: Comenencia, Gomez, Elias, Bruges, Scott,
Alzamora, Granados, Freyle Villar

Acto di condolencia y ceremonia di despedida lo tuma lugar na
Parokia Birgen di Fatima na Dakota, **diasabra 20 di April 2024** di
9:30 pa 11:30 di mainta.

Despues ta sigui pa su ultimo lugar di sosiego na Santana Central
Sabana Basora.
Despues di entiero nos no por ricibi bishita di condolencia na
cas, nos ta pidi comprension pa esey.

Si acaso den nos tristesa nos por a lubida algun famia, nos ta
pidi nos mas sincero disculpa. Enbes di flor of kran lo tin un box
disponibel pa donacion pa Parokia Birgen di Fatima Dakota.



Laga tur loke ta sperami ta bunita,
laga tur locual mi encontra ta bunita,
Laga tur locual keda atras ta bunita y
laga esakinan termina den tur bunitesa.
Autor: Cado Wever

Cu hopi tristeza pero conforme cu boluntad di
Dios, nos ta participa fayecimento di:

Joseph Daniel Harms

Mihor conoci como "Nel"
*13-10-1940 - †16-04-2024

Na number di su:

Yiunan na Hulanda:
Nelsito, Claudia y yiunan
†Mirlando, Sandra y yiunan
Noraima, Mark y yiunan

Ruman:
Roland "Joy" y Eulogia "Betty" Harms-Jansen

Sua:
Viudo Luis Horacio Oduber


Sobрино- y sobrinanan, primo- y primanan

Amigo/Ruman/Caretaker: Albert "Jottie" de Cuba

Demas famia-, amigo- y conocirnan na Aruba,
Corsow y Hulanda.

Acto di entiero lo tuma lugar **diabierna 19 di april
2024** di 9'or pa 11'or di mainta na Aurora Funeral
Home y despues saliendo pa Santana Central na
Sabana Basora.

Nos ta lamenta di no por ricibi bishita di
condolencia na cas.



Lo E seca tur lagrima for di nan wowo y morto lo
no existi mas. Lo no tin nada di rouw, nada di
yoramento, nada di dolo mas, pasobra tur cos di
antes a pasa bai.
Rev. 21:4

A bay sosega den brasa di Señor nos ser stima:

Candido
Jacobo Angela

Cariñosamente yama "Coby of Cobito"
*11-10-1940 - †13-04-2024

Drumi dushi den brasa di Señor

Acto di entiero lo wordo anuncia despues

Always pray.
Never lose
hope.

Romans 1:16



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com